

漢魏叢書

元經薛氏傳序

元經始晉惠帝終陳亡凡三百年蓋聞
夫子曰春秋一國之書也以天下有國
而王室不尊乎故約諸侯以尊王政以

明天命之未改

夫子文中子
也周王法

元經天下

之書也以無定國而帝位不明乎徵天

命以正帝位以明神罷之有歸

春秋一國總乎

周故孔子因魯史以明周之天命未改也元經天下歸乎帝故仲淹因神罷以明帝位必正也又曰春秋抗王而尊魯其以周

之所存乎元經抗帝以尊中國其以天

命之所歸乎

聖人筆法與天命齊致

然帝衰於太

熙

太熙晉武帝末年

故元經首此振起之也中

國盛乎皇始

皇始後
魏年號

故元經挈名以正

其實嗚呼天下無賞罰三百載聖人在
下則追書褒貶以代其賞罰斯周公典
禮使後王常存而行焉仲尼筆削使後
儒常職而述焉收受經於夫子何足以
究其潭奧輒爲傳解發明師訓之一二

云

唐河東薛收撰

元經薛氏傳卷第一

隋 龍門王通經

唐 河東薛收傳

宋 阮逸註

明 新安程榮校

經晉太熙元年春帝正月

武帝太康十一年惠帝即位改太熙元年又改永熙

夏四月立太后楊氏賈氏爲皇后五月辛未葬武皇

帝丙子太傅駿輔政秋八月壬午立廣陵王邁爲皇

太子以何劭王戎楊濟爲師傅冬十月石鑿爲太尉

隴西王秦爲司空屯兵四出

傳曰經者正也常也天以南北爲正聖人以典禮

爲常皆謂之經者天人相與爲法也經取天之正爲本聖人以

常爲法晉者司馬氏始封之國也帝自晉王受魏禪

故國號晉司馬宣王河內溫人溫晉地也故啟封太熙年號也帝謂

惠帝也文中子曰帝之不帝久矣秦無三皇五帝而傳非其道也

尊虛名而已挈名索實此不可去春秋書王所以尊周也元經書

故曰不帝改元立號非古也古者國君始卽位則稱元年無改元之禮

自漢有初元中元之號其於彼必自作之乎後漢自漢後世因之此亦不去

年號不必
盡取古
故書年號帝稱名
泐漢舊制也
經書晉者本中

國號也太熙元年帝
正月者存舊制也
元皇帝司馬氏太康十一年

四月崩是月惠帝立經書帝而不書即位微旨也

曷謂微旨曰春秋之法隱莊閔僖皆有故不書即

位之禮或讓而不為
公羊傳曰隱公讓桓之意
或痛而不忍
穀

曰先君不以道終是以不言即位
或亂而不成禮
左氏曰閔公不稱即

或出而闕書或踰年而追書
左氏曰僖公不稱即位出故也昭公薨於

外定公踰年追行即位之禮史亦追書也
晉惠不書即位與魯諸侯異

焉曷異爾曰春秋者因諸侯之史作焉故公即位

皆稟命於王有所不書則禮有所不至也元經因
天子之史作焉帝卽位皆受命於天有所不書則
天有所不與乎故仲淹亦不與其卽位也不與柰
何曰惠帝君不君政出多門天下由茲大亂雖嗣
位猶無位乎故不書卽位元經之微旨也

言元經因惠帝

不君所以作也

不明貶故微旨楊氏者何曰武帝元楊后之妹謂

之悼楊后無子元楊后生惠帝早亡惠帝卽位尊

悼后爲皇太后書曰立太后楊氏禮也

先書立太后言天子

必有后尊也後云楊氏言推恩及親也

賈氏充女初武帝將娶衛瓘

女而楊氏欲娶賈氏女遂以爲太子妃武帝憂太子不慧試以疑事使決之賈氏令給事張泓具草使太子寫荅武帝悅至是政由賈氏天下亂矣書曰賈氏爲皇后猶言賈氏自爲之也

不言立非惠帝立之也

武皇帝四月崩五月葬譏速也周制天子七月而葬同軌畢至言天下會葬有不至則禮不備凡未及期而葬謂之不懷過期而不葬謂之緩春秋皆

譏之

元經禮典本春秋

太傅駿孰謂曰楊駿也胡不書姓

曰貶也曷貶爾曰駿爲太傅受先帝遺詔輔政百

官總已不能效伊霍之忠稔成賈后之惡晉室禍階實自駿始故去姓以罰其罪惡之深也書太傅

責官重也

元經貶惡其義權衡輕重各有所存是以有書名而去姓者有書姓名而去官

者前後別例各不同傳釋之詳矣

廣陵王適惠帝子也立爲皇子

正也何劭爲太子師王戎爲太子輔楊濟爲太子

保同書之謹其職也

裴楷和嶠張華衛瓘皆爲保傅不書省文

石鑿爲

太尉隴西王司馬泰爲司空書二公得其人也鑿

字林伯太康末拜司空武帝晏駕楊駿疑汝南王

亮白太后詔鑿率固陵兵討之鑿獨不然遣人視

亮別道歸許昌駿疑乃止時論稱鑿不以權臣認
害宗室正也司馬泰字子舒遷太尉錄尚書事雖
爲宰輔服膳如布衣任真簡率每朝會不識者不
知是王公事親恭謹居喪哀戚爲宗室儀表當時
以節制見稱餘王莫能比同書者王公得賢也

元經

凡書姓名及稱官者皆無貶元經始事也下文書薨蓋終其善也有不書薨者則有譏焉屯兵

四出何曰楊駿輔政慮他變乃遣石崇胡奕趙俊
趙歡將屯兵四出以示威也不書遣不由帝也戎
兵國之大事書兵而不書人不稱詔遣者政由臣

下出也

兵出無名此義微而顯

經太熙二年春帝正月乙酉改元永平又改元康

白太

熙改永熙共一年耳太熙二年又改元康一年三改非禮也故經止書太熙二年而已 三月中

書令和嶠卒辛卯賈氏殺楊駿夷三族壬辰賈氏廢

皇太后壬寅汝南王亮爲太宰夏五月甲戌毘陵王

軌薨

無傳按元楊后生悼王軌字正則惠帝同母弟也

壬午賜天下孝悌高

年鰥寡力田者帛六月賈后殺汝南王亮及太保衛

瓘乙酉曲赦洛陽秋七月置江州冬十二月辛酉京

師地震秦王東薨

無傳按秦獻王東字弘度惠帝同母弟也傷駿舅氏誅滅乃述武帝

遺書乞歸藩至汝南王亮楚
王璘被誅時稱東有先識

傳曰武帝崩未踰年而改元非禮也君子謂違春
秋未踰年不書卽位之義故書太熙二年正月失
也和嶠字長輿世爲魏大臣襲爵上蔡伯以平吳
功轉侍中見太子不慧因侍坐曰皇太子恐不了
陛下家事荀顛荀勗皆稱太子明識嶠曰聖質如
初爾武帝不悅然知其言忠後惠帝立賈后使帝
問嶠曰不了家事今定云何嶠曰臣事先帝曾有
斯言言之不效國之福也至是卒世稱其先見書

官以卒善其終也

官未至三公不書薨

賈氏殺楊駿賈氏不

稱皇后駿不稱官兩貶之也曷謂兩貶曰駿以后

黨權傾天下早不能圖賈后而賈后與黃門董猛

連兵討駿駿逃于馬廐以戟殺之楊氏夷三族不

稱官與無官同也不稱后不與其爲后也賈氏廢

皇太后者何曰悼后駿女也駿旣誅及矯詔廢悼

后爲庶人徙金墉城稱賈氏不與其爲后元經之

權也汝南王亮爲太宰言自爲也附賈后将取禍

也

爲六月賈后
漢制賜孝悌力田等帛且曰孝悌

漢段亮張本

吏民之師也力田生民之本也高年鰥寡者亦賙

恤之皆古道也書之存舊典也

非賈后事也

賈后殺汝

南王亮及其太保衛瓘春秋之法大臣相殺死凡

稱名所以示殺者之罪若王子糾殺毛伯召伯是

也苟死者無罪則書名氏若晉殺其大夫陽處父

是也今稱賈氏罪殺者之惡也

衛瓘稱官傷忠臣也

曲赦非

古也賈氏使楚王瑋殺亮及瓘又歸罪於瑋而殺

之故曲赦洛中懼瑋黨有變焉

殺楚王瑋不書云瑋附賈七月后害

骨肉大不足取也

分揚州荊州十郡爲江州記始置也

用本

史舊文記其始置無褒貶

京兆地震案本志謂楚王瑋殺汝南

王及太保此陰道盛陽道微之應也

劉向曰地震金木水火土

沴也伯陽甫云天地之氣不過其序若過序則氣亂也陽伏而不能出陰迫而不能升於是地有地震

經元康二年春帝正月

太熙二年即元康元年也故此爲二年

二月己

酉賈庶人弒太后於金墉城夏四月秋八月壬子大赦逆黨冬十一月沛國雨雪傷麥

傳曰正月雖無事必書首月春秋之法也賈庶人

孰謂曰賈后也曷謂先稱庶人曰賈后既誅楊駿

宣言太后同逆廢于金墉城絕膳而崩經書曰庶

人殺太后貶太惡也是時未廢爲庶人先貶之者
不與其稱后也春秋之法凡殺君稱君名者君無
過稱臣名者臣之罪也賈氏以婦殺姑以邪賊正
也太后賈之姑也故書弑

傳言惠帝不慧致
弑其母其惡同

大赦

逆黨者何賈后懼國人討賊故赦以安逆黨之心

春秋莊公經書肆大青然後葬文姜蓋文姜預弑

桓之惡仲尼謂子道不可略母葬故特書肆大青

然後葬文姜子道掩親之惡也賈氏則不然自赦

其黨託名渙汗君子不與其赦也故特書曰大赦

通鑑 仲淹特書逆黨 雨雹傷麥紀災異也春秋

公子遂專任而經書雨雹

按董仲舒曰紀雹者皆謂有脅行專政者也

經元康三年春帝正月天西北裂夏四月雨雹深三

尺冬十月太原王泓薨作互市皇太子納妃王氏祕

書監華嶠卒

傳曰天裂者何本志謂陽不足也人主昏瞽妃后

專政之應也滎陽弘農皆雨雹深三尺非常雹也

異孰甚焉本志謂惠帝無陽爲陰所蔽之罰也春

秋魯桓夫人同其應矣左傳曰大雨雹書災也曷

謂互市曰公卿賄賂交通更相薦託有如市易焉

作者言惠帝自作之爾

譏惠帝

太子適納王夷甫

女爲妃凡帝子婚曰納帝女嫁曰降

納者獻乎上也降者適乎

下華嶠者武帝碩臣也太康末帝宴樂屬疾嶠諫

曰收功於微忽事乃無悔慮福於垂成祚乃日新

手詔答曰朕自消息無慮也惠帝立遷祕書監博

聞多識有良史之稱卒諡曰簡

嶠字叔駿以後漢紀繁乃徧觀祕籍

起光武終獻帝一百九十五年爲紀十二卷皇后紀二卷十典十卷列傳七十卷嶠謂皇后配天作合前史作外戚傳非也故易爲皇后紀又改十志爲典取典墳之義明堂辟雍置都水脩蚕官行於

世書官貴之也

經元康四年春帝正月丁酉太尉石鑒薨夏五月匈

奴攻上黨六月壽春地震民死秋八月匈奴以計內

附上谷上庸並地陷帝問蛙鳴

無傳按本史華林園蛙鳴帝問曰爲官乎

爲私乎其愚類如此夫

九月甲午枉矢竟天冬十月

傳曰太尉石鑒薨書官善其終也

按本史鑒年八十薨謚曰元子

薨封縣侯

匈奴者何曰郝散

散曰撒

自漢魏已來世爲中

國患魏武帝能制御群胡爲五部左部居太原茲

氏右部居祁

南部居蒲于北部居新興中部居

太陵至晉武帝時塞外匈奴二萬餘歸附使居河

西宣陽太始七年單于猛叛

太始晉武初受命年號

帝討平

之厥後稍叛復害長史時御史大夫郭欽上疏曰
請募敢死及罪人徙三河控四夷出入之防明先
王荒服之制帝不納太康中匈奴十九種內附各

分部落居之有屠各種者得爲單于有王號者十

六等曰左右賢王太子爲之餘四姓曰呼延氏卜

氏蘭氏喬氏呼延號日逐世爲輔相其國民則有

纂母氏勒氏者多反叛至是匈奴郝散叛寇上黨

殺長史又寇上郡郝散弟曰度元又率羗胡攻破

上郡自此匈奴漸盛而中原危矣經書匈奴不名

者言其多雜也稱攻不書寇者言鳴鍾鼓而來無

所憚也傳言不用郭欽計壽春地震民有死者言災甚也

按本史是敬京師及郡國皆地震秋八月匈奴郝散帥衆降馮翊

都尉殺之書曰以計內附者何曰匈奴本不附蓋

僞降欲爲鈔掠旣爲都尉所殺而郝散之弟度音

元收合餘衆復起邊患傳謂六年攻馮翊起度元歐陽逢渠本書

曰以計言多詐不可以信結也可以兵制而已軍制

凡無故而請和者詐也

地陷者山崩震裂而陷蓋陽伏而不

能出陰迫而不能升也春秋僖十四年沙鹿崩卜

偃以謂暮年將有大咎幾亡國今上谷上庸並陷

裂水泉湧出人有死者天戒若曰陰不陰斯譴罰

之漸乎

陰不陰則地有災異

枉矢曷謂曰星如流矢也星經

云枉矢所觸天下所伐也甲午枉矢竟天自西南

流東北坤不利東北其賈后之亂乎

地爲后之象

經元康五年春帝正月

書首

夏四月有彗孛於奎軒

轅秋九月鴈門大風傷稼冬十月武庫火十二月調

兵器司隸傳咸卒有石生京師傳

傳曰彗者如箒彗也孛如芒散貌也本志謂奎爲

庫兵軒轅爲后官賈后將廢之兆

凡經書是變者紀異以戒人修

德也其間或有應驗亦有不應者天道遠也

大風由鴈門風自比來也

胡戎來窺中國失道循夏之象也洪範云霧常風

若

霧蒙也

武庫火累代之寶皆焚

謂孔子履漢祖劍之類時藏在武庫

皆焚之

春秋凡天火曰災人火曰火武庫火者有盜

焚之爾不獲盜焉調兵器者丙戌新作武庫大調

兵器曷謂不書新作武庫曰譏失政也何謂失政

夫武備中國大政也

周禮大司馬掌邦之政以詰禁刑亂故也

盜焚之

不能討賊雖新作無所益也故書兵器而已不書

作武庫言中國武備弛矣

終有群胡亂華之禍

傳咸者司隸

玄之子也剛簡峻整有父風出爲冀州刺史繼母

杜氏不肯隨咸自表解冀州乃遷司徒左長史

其便

親也楊駿輔政咸言於駿曰天下聽於冢宰大懼天

光有蔽人心或異今若此而明公處之未爲易也

時司隸荀愷有兄喪自表赴哀詔未報而愷私造

楊駿而行咸奏曰詔未下而行宜加顯貶駿甚憚

之遷御史中丞致書汝南王亮曰楊駿見誅孟觀

李肇封數千戶侯自古封賞無若此者今後莫不

樂國有禍其可極乎不納

亮果如駿見誅

後爲司隸奏僕

射王戎備位公輔兼掌選舉不能凝庶績但開張

奔競不能康正請免戎官吳郡顧榮聞之曰傅長

虞爲司隸勁直忠果所可貴也書司隸卒重世卿

也

春秋貴重世卿亦如此

經元康六年春下邳王晃薨三月彭城有流血三百

餘步夏四月大風五月匈奴攻北地殺太守秋七月

氏賊僭稱帝冬十一月命周處討氏賊關中饑大疫

傳曰下邳王晃宣帝弟孚之子也孝友貞廉有

宗室

之望惠帝卽位晃領護軍屯東掖又誅楊駿有功

作司空薨于位旣而張華代之不書張華華備位

而已

不繼賢王故不書代

爲八年台星折以明三公不才張本

彭城呂縣

流血二百餘步本志謂視之不明火不炎上則有

赤青赤祥又彭城下邳獻王所治之國也入爲司

空旣而遽殞彭城失望之象也

流血傷痛也

四月大風

言天下皆然也故不書地

不書郡西所在

先志謂巽爲風

爲木其卦在三月四月繼陽而治今四月大風常
多且暴陽失其治也

劉向亦云然

匈奴殺太守者何曰

郝散之弟度元攻北地太守張塤戰死之匈奴不
名衆也太守不名氏微也曷謂微則不書曰郡守
失其才爲匈奴所殺故微之氏賊者孰謂曰秦雍
氏羗齊萬年也先是雍州刺史解意爲匈奴度元
所破於是氏羗帥齊萬年叛僭稱帝圍涇陽萬年
不書名言賊不足名也曷謂不書圍涇陽曰罪莫
大乎僭號也貶大惡餘惡無所書可也周處者爲

建威將軍詔討齊萬年稟梁王彤節制書人不書
官者何曰元經之法人名重官任輕則書人以明
人賢任卑也書官不書人者不賢也有書人則因
舊史常制無所輕重矣元經權衡義例差別臨文
示意在乎官不必備惟得賢而已或人稱職官稱
任則官與人皆書之或官濫於庸人賢失於所任
則書人不書官不書人不書官意有重有輕以譏
失道焉耳周處賢將也受制於梁王彤進止不得
專智勇不得用故君子重其人不書官言官輕也

謂周處終爲梁王彤所制張本

關中饑疫責凶荒不卹也梁王彤

爲征西大將軍都督雍梁二州鎮關中民饑不能

貸民疫不能卹彤之罪也故書關中饑疫以責都

督之罪由彤也

梁王彤末康二年薨博士議謚曰彤爲宰輔責深任重愍懷之廢不

聞一言諫正

南之難不能因勢輔議趙王倫篡

逆不能引身去

昔宋有蕩氏之亂華元自謂不

能居官吾罪大矣

彤不貶何以施法按謚法不

勤成名曰靈春秋譏華元樂舉謂之不臣乃謚曰

靈彤罪

如此

經元康七年春帝正月癸丑梁王彤陷王師殺周處

夏五月魯國雨雹

無傳

秋七月雍梁隕霜殺稼丁丑司

徒王渾薨冬十月

傳曰陷王師殺周處何謂曰去年遣周處討齊萬
年至是戰于六陌梁王彤與處有隙促令進軍絕
其後不救遂爲賊所敗初萬年聞處來謂賊衆曰
吾聞斯人才兼文武若專斷而來不可當也受制
於人則成擒爾旣而賊屯梁山有衆七萬彤促處
領兵五千擊之于六陌自旦至暮斬賊萬計救兵
不至處按劍曰吾盡忠竭節之秋也遂力戰歿書
曰陷王師以彤不忠於國也又書殺周處以彤私

隙害賢人故書彤陷殺之爾

傳言晉裏由賊賢爲始

隕霜殺

秋稼關中米斛萬錢骨肉相賣災甚也春秋書隕霜不殺草尚謂天反時爲災而况秋霜殺稼災可知矣王渾孰謂曰渾字玄冲魏司空昶之子平吳有大功江東士人悅附之楚王瑋將害汝南王亮先請渾同乘渾閉閣拒之後瑋伏誅渾乃出凡國典故多渾所定書官以薨貴之也

渾先知晉室亂乃謂賢王宜留

居京師遂上書帝不納又上言舊制三朝元會問計吏以訪郡國政化時以爲便

王戎代

渾爲司徒不書貶我不足以繼渾之賢也故不書

經元康八年春帝正月丙辰地震詔發倉廩賑關中
三月壬戌大赦夏五月郊禘石破爲二秋九月劉十
廢賈后不克冬十月

傳曰地震書日者日官謹天戒也春秋文公九年

九月癸酉地震公羊傳曰震者地動也言文公制
於公子遂齊晉失道四方叛德也穀梁傳曰地不

震者也地以不震動震則謹而日之象大臣強盛

動而爲變焉謂賈后強盛將廢太子適詔賑關中

書詔者得其詔也傳言民饑不賑壬戌大赦者曰

則詔不詔矣

梁王彤專政殺周處氏羗未平故肆赦因以自宥

爲明年彤錄尚書事入輔賈后張本郊禘者何曰求世嗣之神也在

郊故曰郊禘或曰高禘本志謂禘之壇石中裂破爲二

木沴金之象也壇石神位自毀者愍懷太子不利

之兆謂明年賈后廢太子適之兆劉卞者孰謂曰愍懷太子衛

率也卞音賈后欲廢太子乃告司空張華曰東宮

俊彥如林四率精兵萬數公居阿衡廢賈后以安

晉祚可乎華不能故書曰劉卞廢賈后褒忠於晉

祚也不克者貶華不能行也春秋以一字褒貶須

數字以成文元經大義於是深矣

經元康九年春帝正月將軍孟觀伐氐大破之獲賊
萬年梁王彤錄尚書事河間王顥出鎮關中成都王
穎出鎮鄴夏四月鄴賊張承基伏誅六月戊戌高密
王恭薨秋八月尚書裴頌爲僕射冬十一月甲子朔
日有食之十二月壬戌賈庶人殺太子及其母謝太
后

傳曰孟觀者爲積弩將軍時齊萬年衆號數十萬
觀領宿衛兵并統軍中士卒大戰十數皆破之生

擒萬年獻捷京師書將軍言官得人也萬年不書

姓志在族滅逆黨也梁王彤錄尚書阿賈后也

阿順

賈后謀河間王顥者安平王孚之孫先朝之制非

察太子

親王不得都督關中顥於諸王最踈然特以賢舉

也書出者內出外爲文賈后忌顥賢示以重鎮其

實出之耳成都王穎武帝第十六子於帝最親先

是賈謚賈充孫也與皇太子博奕爭道穎旁觀厲聲曰

國之儲君賈謚安得無禮謚懼言於賈后乃以穎

出鎮鄴書出者懼之也

二王同書出

其情各異一以賢一以

懼皆書出蓋君子不欲其出也鄴賊張承基等妖
言署置逆黨數十人郡縣分捕之書伏誅喜平賊
也高密王恭而隴西王也改封高密宣帝弟廋之
子也謚曰文獻尚書裴頠字逸民司空秀之子書
曰僕射以人稱官也冬十一月甲子朔日蝕本志
謂十一月日蝕十二月廢太子爲庶人之應也自
武帝太始二年七月丙午至七年十月丁丑八年
十月辛未九年四月戊辰七月丁酉十年正月乙
未三月癸亥凡八年八日蝕又咸寧太熙九十一

年復八日蝕至此甲子及明年正月乙卯皆蝕天
意若曰晉室衰亂由武帝始違忠臣之言惑賈后
之勢遂及淪胥天譴旣頻終不警悟經書甲子日
舉其首以戒其終也賈庶人殺太子者何曰貶庶
人以彰殺太子之罪也本史稱元康九年廢太子
幽于金墉城明年改元永康害太子于許昌今先
一年因廢而書殺者言賈后志在乎殺也謝淑妃
惠帝才人生愍懷太子適先爲賈后幽于金墉尋
殺之故書曰及其母謝太后然妃書謝太后何曰

儲君既立春秋之義母以子貴謝妃無罪見殺元

經因推而進之也故書曰太后也賈氏承惠帝昏

愚賊害皇嗣元經固抑而降之也各正以法且矯

晉之失焉

按春秋隱三年君氏卒左傳曰聲子也不赴于諸侯不附于姑故不稱薨不稱

夫人故不書姓而曰君氏言國君之母雖不薨不稱姓而特書曰君氏言君之母氏尊稱也亦仲尼追

書云耳今謝妃之卒仲淹先書廢人之惡

後正太母之無過春秋大義於是明矣

經永康元年春帝正月己卯日有蝕之夏四月晉

誅賈庶人及其黨甲午趙王倫自爲相國五月己巳

立皇孫暕爲皇太孫六月葬愍懷太子秋七月冬十

月黃霧四塞甲子立羊氏爲皇后

傳曰趙王倫廢賈后爲庶人尋殺之曷謂稱殺爲

文曰倫雖矯制而晉有天下當稱晉殺之明天下

共誅惡也

按春秋僖七年鄭殺其大夫申侯公羊傳云稱國以殺也杜預曰專利而不厭

故稱各以殺罪之也凡罪稱國以殺而又各之若楚殺其大夫宜申宋殺其世子座莒殺其公子意恢之類是也今誅賈氏不各而稱庶人示深貶之也其黨數十人孰謂曰司

空張華僕射裴頌皆大臣不能扶危濟亂反死於

不義故蔑而不書猶微人耳曷同微人曰倫誅賈

氏使張林收華及頌將刑謂張林曰欲害忠臣邪

林詰之曰卿爲宰相任天下事太子之廢不能死
節何也華曰非不諫也林曰諫君不從何不去位
華不能答遂與顧皆夷三族以小辯虧大節屈於
張林故曰同微人耳春秋元經皆不齒也趙王倫
者宣帝第九子傷太子無罪見廢乃與嬖人孫秀
同殿中郎士猗等矯詔敕三部司馬入華林迎帝
遂廢賈后乃矯詔自爲相國書曰自爲者貶也惠
君不君倫臣不臣故先貶之謂明年倫篡
帝位張本太孫臧
愍懷之子也母王氏稱太妃趙王倫自爲太孫傳

雖倫立之不貶者臧當立也

其實趙王倫假太孫之名而立之非詔立

也時書立而名之猶言惠帝詔立

葬愍懷太子太子名適初賈后

令太醫程璩合巴豆丸使黃門孫慮與太子服之

而死賈后表請以王禮葬之經書太子不書王先

稱其謚追而正之也

葬顯平陵謚曰愍懷

黃霧四塞本志謂

金木水火沴土沴時則有黃青黃祥洪範視聽言

貌皆以思爲主心不思則其咎爲昏霧四塞焉羊

氏者何玄之女也旣誅賈后故以立羊氏焉

按本史羊

氏名獻容晉亡後沒於劉曜生二子而卒僞謚文獻皇后

經永康元年春帝正月乙丑倫篡帝位以帝爲太上
皇太孫爲濮陽王癸酉倫弑皇太孫三月齊王冏舉
兵討倫夏四月乘輿反正改元永寧立尚爲皇太孫
六月戊辰大赦秋八月校尉羅尚討西羌破之己巳
下邳王韓薨無傳冬十月流人李特盜據蜀十二月司
空何劭薨

傳曰倫篡帝位故去族也殺大孫滅稱弑者倫罪
與弑君同也天下儲君殺之與弑同三月齊王冏倡義兵成

都王穎河間王顥常山王乂豫州刺史李毅兖州

刺史王彥新野公歆皆應之逐倫歸第誅之書曰
討倫詔殺君之

與反正者初倫遷帝于金

墉坂求昌 至是

群臣乃迎乘輿復歸正

殿故曰反正

文也

立尚者何愍懷第三子也長曰

彰

補聞切

永寧元年薨追封南陽王次曰臧卽太孫

也爲倫所害謚曰哀次卽尚也初封襄陽王帝旣

反正乃立尚爲皇太孫正也六月戊辰大赦詔云

逆臣孫秀奉趙王倫篡據天位鎮東大將軍齊王

冏征北大將軍成都王穎征西大將軍河間王顥

首建大策匡濟國難迎朕幽宮旋軫闔闔豈余一人獨享其慶宗廟社稷實有賴焉於是大赦慶苟安也羅尚者誰曰羅憲兄之子也太康末於西戎校尉蕘者戎之種有不順則校尉當討焉破之嘉其功也流人李特自齊萬年之亂關中饑民流移漢中特在內依益州刺史趙廞因襲廞遂擄成都時群盜皆起有君焉不書反而書盜言盜多也

按載

記五涼四燕三秦二趙夏蜀凡十六國皆乘晉亂各盜一方故云多何劭者曾之子

也少與武帝同年有總角之好惠帝以劭爲太子

師遷至僕射趙王倫專政以劭爲太宰厥後三王
交爭劭知晉室不可救游於三王之間無怨者晦
迹自足不貪權勢有奏議文章多行於世書官薨

無所譏也

三王爭權各總兵柄劭雖爲
太宰虛名耳故不罪之也

經太安元年春帝正月庚子譙王隨薨三月癸卯皇
太孫尚疾薨夏四月彗星晝見五月梁王彤薨劉寔
爲太傅立清河王覃爲太子秋七月冬十二月河間
王顥及諸王殺齊王冏改元太安長沙王乂爲大尉
傳曰譙王隨者宣帝弟之孫也父遜封於譙謚曰

剛王襲封譙書薨常制也太孫尚薨曷謂書疾

王薨死

他不書疾

曰尚幼夭而亡故書疾以明非殺害也晉室

陵夷宗室屠戮自愍懷之禍及其子臧皆非天年
獨尚雖非殺害天以疾薨實傷之也彗星晝見占
云主兵劉向五紀曰春秋有彗孛於東比傳言記

異也甘氏謂彗孛所當國受其殃蓋諸王相禍之

應也梁王彤爲侍郎中太宰領司徒書王爵不書

官何也曰貶也曷謂貶曰倫之篡位以彤爲阿衡

不能討賊迎復其君故君子不與其爲太宰也書

元統 卷一
王爵猶言沒於藩邸耳

諸王非大逆絕節例書王爵非褒也

劉寔者

何曰字子真以孝廉計吏累遷至太傅寔終身儉

素晉之名臣也書太傅以人稱官也太子覃者武

帝子清河王遐之子遐生四子覃爲長齊王冏表

曰東宮曠然冢嗣無繼必建儲副以固洪基昔漢

成無繼嗣由定陶孝和之緒安以紹興此先王令

典也清河王覃先帝衆孫之中今爲嫡長宜奉宗

廟之重以寧四海羣公卿士咸同大願乃立爲皇

太子書正也諸王殺齊王冏何謂曰冏獻王攸之

子討趙王倫有大功率兵入洛頓軍豫章置甲士
數十萬置掾屬四十大築第館廷舞八佾惟寵
親昵海內失望寮屬孫惠者諫曰天下有五難四
不可明公皆已居之矣捐宗廟之主忽千乘之重
而躬擐甲冑一難也奮三百之卒決全勝之策二
難也捨殿堂之尊同將士之勞三難也任神武之
略無疑慮之懼四難也外幽居復皇祚五難也然
而大名不可久荷大功不可久任大權不可久執
大威不可久居此四不可也自永熙以來十有一

載公族值篡奪之禍骨肉罹梟夷之刑群公被囚
檻之困妃主有離絕之哀今明公建不世之大功
宜倣桓文之烈追臧札之風高拱營丘之藩則善
矣罔不納有軍校李舍之者奔于河間王顥游說
圖罔顥乃上表曰春秋之義君親無將也罔擁強
兵恐爲不軌檄諸王共討罔殺之幽其子三王於
金墉城罔三子昔封王太盛故諸侯共攻之書顥名而不書諸王名
者譏王族自相滅舉顥爲首也諸王不名王衆多
也猶春秋稱人者衆之義

經太安二年春帝正月三日刺史宋岱斬蜀賊李特
夏四月李雄復盜益州●月義陽蠻僭號殺新野王
歆六月詔刺史劉弘討蠻張昌王師敗績陷江南諸
郡秋八月校尉劉弘斬張昌賊平顛頽戕長沙王又
乙丑帝出三里橋冬十月

傳曰宋岱爲荊州刺史討李特斬之傳首京師夏
四月特子雄又據益州故書曰復盜也義陽蠻張
昌少爲平氏縣吏當李特寇蜀也昌潛遁聚黨數
千人會壬午詔發江左武勇赴益士停留五日二

千石免官於是郡縣驅逐因屯聚爲盜昌先於安陸起攻郡守新野王歆討昌爲其所敗故書曰殺新野王歆不書王師言歆便宜擊賊不意賊盛而死也歆宣帝之孫爲政嚴刻蠻夷並怨及昌作亂歆爲賊所害于樊城是時賊殺南陽太守劉彬武陵太守賈隆零陵太守孔紘豫章太守閻濟武昌太守劉根皆不書者舉歆帝族爲首也南蠻校尉詔討昌戰于方城書王師敗績挫國威也陷江南諸郡謂武陵零陵豫章武昌等郡也八月斬張昌

於清水書賊平言諸蠻皆平也劉弘遣其司馬陶侃與昌苦戰累日昌竄于下雋山至是擒之傳首京師諸蠻皆平嘉告功也凡諸侯有四夷之功則獻捷于王王親受之晉衰不復古禮但傳首京師亦足嘉焉顓頊不貶去族也顓太原王瓌之子頊武帝第十六子舉兵討長沙王又爲名其實謀篡逆也初顓之討罔也檄以又爲內主謂又弱欲得內助又圖廢惠帝立成都王頊也既而又輒勝罔顓乃潛使刺客圖又不果詔又拒之自八月至十

月又致書與穎曰吾與卿及于十人同產皇室受
封外都今卿與太尉顯共起大衆百萬軍圍宮城
羣臣同憤卽命將死者萬計酷痛無罪卿所遣陸
機已送欵國家想來者之前行一尺卻行一丈不
願來矣卿宜還鎮以寧四海宗廟無羞子孫之福
也穎荅書曰若能從太尉之命斬皇甫商等首投戈
退讓自求多福澤思進退也右將軍皇甫商掌禁兵東海王
越貳於人潛與殿中將收又送金墉城又上表曰
陛下委臣朝政小心忠孝神明所鑒諸王承詔率

衆見責收臣幽宮臣不惜軀命但念大晉衰微耳
殿中左右以又功垂成而敗謀出之帝不省閱使
張方裂殺之三軍無不垂涕經書戕者言殘賊忠
臣也春秋之義凡自內虐其君曰弑自外而殺曰
戕今顯穎罪亞於弑君戕殺忠良故去族而名之
書戕以貶大惡也乙丑帝出三里橋避顯兵所逼
也顯使張方逼京師帝使皇甫商拒戰王師敗績
甲申帝軍于芒山丁亥至偃師辛卯舍于豆田癸
巳旋於城東丙申進軍緱氏十月帝還宮經書曰

元紀 卷一 三十一
出言奔避無所幸也天子無出之文惠帝自三里橋爲賊兵屢逼芒山偃師緱氏暨還宮崎嶇在外猶如春秋國君出奔之難故書出蓋傷之甚

經永興元年帝正月丙午尚書令樂廣薨詔雍州劉沱及秦州皇甫重討顥攻長安不克穎自爲丞相二月顥矯詔廢皇后羊氏降太子單爲清河王三月廣陵陳敏討賊石水斬之楊徐二州平顥立穎爲皇太子第六月新作三城門秋七月丙申衛將軍陳胗以詔討穎戊戌復皇后及皇太子己亥帝北征穎敗績于

蕩陰帝幸鄴八月匈奴劉淵盜起離石王浚攻潁于
鄴帝還洛陽十月顓將張方劫帝幸長安十二月丁
亥廢皇太弟潁立豫章王熾爲太弟

傳曰樂廣執謂曰成都王潁之妻父也長沙王又

以此問廣廣對曰豈以三兒易一女哉

廣三子曰凱肇謨一

女適成
都王潁

又猶疑之廣竟以此憂卒代王戎爲尚書

令書薨閔廣賢以憂死也帝爲顓所逼密詔劉沈
皇甫重討顓攻長安爲顓所敗書不克譏沈重不
武也潁以兵五萬屯十二門殿中素所忌者皆殺

之以三部兵代宿衛自爲丞相此將爲篡逆先自
進位也顓矯詔廢皇后卽羊玄之女也元康元年
立爲后至是顓矯詔廢欲速賜死司隸校尉劉駿
上表諫得免太子覃大安元年立至是顓矯詔黜
爲王經書降不書黜覃無過不與其黜也

本史書黜也

陳敏爲廣陵度支石冰者賊張昌之別將也昌旣
敗冰入揚徐爲寇敏與壽春都督劉準同力擊破
之乘勝北討徐州賊封雲皆斬之書曰揚徐二州
平加敏功也

按本史陳敏因此功遷廣陵相後盜江東華譚以書與甘卓殺敏江東遂

平顯立穎爲皇太弟者何顯專政惠帝不能制故

書曰顯立之也新作三城門非帝意也顯穎陰圖

神器檀此興作豈止不時而已

傳言春秋新作南門新延廡皆書不

時元經所書謂非帝意所議皆同也

右衛將軍陳珍稱詔百寮討成

都王穎因大赦復皇后及皇太子巳亥奉帝北征

至安陽穎遣其將石超拒戰矢及乘輿帝頗中三

矢時王戎東海王越高密王簡平昌公模吳王晏

豫章王熾襄陽王範及蕩陰六王之軍皆潰故曰

六軍敗績也帝爲石超所脅往鄴見穎穎迎于道

左帝下與涕泣穎改元爲建武不書不與其改元

也匈奴劉淵字元海反于離石自號大單于經書

盜言僭竊之漸也

僭稱前趙也

安北將軍王浚尚書沉

之子也趙王倫篡位三公起義浚時都督幽州有

不平之色乃率鮮卑務勿塵合胡晉兵萬人討穎

與石超戰于平戟超敗克鄴帝奔還洛陽浚不書

官貶也曰浚本心不執託名討穎其實爲亂華之

首雖有一時之功不能追終身之惡功小惡大故

也張方者河間王顥之將也以三千陽燧青蓋車

通帝之長安帝馳避後園竹方脅帝升車顛步騎
三萬迎于灊上顛去族而張去姓何也曰顛首惡
也張方微也貶大惡則餘系焉丁亥詔曰成都王
穎政績虧損四海失望宜還第今以豫章王熾爲
皇太弟此詔由顛出也故不書詔

經永興二年春正月甲午朔帝在長安夏六月甲子
王戎卒秋七月甲午尚書諸曹火冬十二月范陽王
虓及東海王越舉兵迎帝

傳曰甲午書朔者何春秋之法魯秉周禮晦朔朝

元經 卷一
正告廟蓋國君所以頒王之典禮尊祖之廟貌以示常制也故魯公在楚必書于經左傳曰王正月公在楚釋不朝正於廟也昭公三十年三十一年皆書公在乾侯傳曰言不能內外也仲尼之意本欲書公所在雖奔外亦吾君也不可易歲更朔而不書君行幸之地惠帝爲顛所脅雖曆數在躬朔之禮廢矣故曰帝在長安猶書朔也王戎

少與阮籍輩爲竹林之遊惠帝以戎

浮沉無謗諤之節尋拜司徒性好利

天下目之爲膏肓之疾帝西遷也

官而卒者貶也尚書諸曹火延及

陽王虓者何康王綏之子東海

王越

惠帝西遷虓與東平王楙上

言曰自

建成都王穎爲姦邪所誤

論王之身不可深責於是虓先率衆謀自許昌屯

于滎陽推東海王越爲盟主乘虛而進穎據洛遣

張方劉弘並不能禦虓拔滎陽斬石超襲許昌破

劉喬

超喬皆穎將也

穎於是出奔書曰迎帝加之也

謂明年帝

還洛
張本

經光熙元年春帝正月戊子朔帝在長安日有蝕之
甲子東海王越迎帝三月劉伯根反平之夏五月范
陽地燃壬辰越遣將擊顓頊於長安日光四散如血
六月丙辰朔至自長安改元光熙盜取太廟靈衣八
月越錄尚書事九月劉輿誅司馬頊十一月庚子帝
崩

傳曰戊子朔先書帝在長安後書日蝕者先典禮
而後災異也

舊典帝所
行在必書

東海王越遣劉宏奉帝乘

牛車行宮籍草公卿跋涉書曰迎帝帝未至之文也劉柏根者何東萊人也反襲臨淄高密王簡奔聊城王浚遣將討栢平之五月范陽郡地燃可以爨本志謂火失其性視不明之罰也壬辰祁弘所部鮮卑大掠長安殺二萬餘人日光如血蓋天人之否極此矣丙辰書帝至自長安必告廟禮也春秋桓二年書公至自唐傳例謂公行告于宗廟反行飲至舍爵策勳焉惠帝自長安歸升舊殿哀感流涕謁太廟雖亂離不成飲至舍爵之禮然君子

喜其至思欲成其禮焉太廟吏賈苞盜太廟靈衣
書盜不書名微也天下皆巨盜竊弄故廟吏微不
足名越錄尚書事不書王云族何也曰前者王迎
帝于長安以書王嘉之也此不書王云族者貶越
將復篡逆也聖人之於善惡不求備於一人雖惡
者有善必褒雖善者有惡必貶故前書王後去族
臨事加法春秋之大權也如春秋鞏帥師以鞏專命去公子之族以貶之
也至桓二年復書公子翬如齊逆女蓋其事別也
不以其弒君而終身貶之耳春秋輕重臨事制權
皆微此也劉輿者范陽王虓之長史也先是頓丘太守

馮嵩執穎送于鄴幽之劉輿恐爲後患僞稱詔賜死書曰誅言穎有罪宜乎誅也不稱詔而書劉輿貶輿專殺非君命也曷謂不書王而稱姓曰穎自立爲皇太弟有無君之心蕩陰之役劫帝之鄴至是旣爲范陽所幽爲輿所殺猶衆人爾非帝族也

故曰司馬穎

按古氏族後世頗異焉左傳衆仲曰天子建德因生以賜姓胙之土而命

之氏諸侯以字爲氏因以爲族官有世功則有官族邑亦如之杜預曰天子則有官族姓若禹賜姓如其氏曰夏是也諸侯卑不得賜姓則以字爲氏因以爲族或因邑皆稟於時君所命也漢魏而來則不然或邑或世稱皆謂之姓通謂之氏若范氏之祖在虞爲陶唐氏在夏爲御龍氏在商爲豕韋

氏周爲杜氏晉爲范氏是也今司馬氏卽姓也宗室襲封之王卽曰王族也去姓者舊史常文則無褒貶若去王族卽筆削有善惡也穎書姓猶百姓

庚午帝崩于顯陽殿不

書葬不得其終也曷謂不得其終曰惠帝自卽位

政由后黨權臣當國天下荒百姓饑死帝曰何不

食肉糜其蒙蔽率皆此類及崩因食餅中毒或曰

司馬越之鴻斯不得其終故不書葬

按春秋書葬斯貴之也不

書葬則賤之也天子之葬於禮尤重故魯會天子之葬則仲尼必書不會葬則不書若莊二年書葬威王則是會葬也僖八年惠王崩不書葬是魯不會葬也然則會不會葬者禮壞可知矣今惠帝崩不得其終非唯禮不備抑亦昏蒙不君自可貶矣

元經薛氏傳卷第一終

元經薛氏傳卷第二

隋 龍門王通經

唐 河東薛收傳

阮逸注

明 新安程榮校

經晉懷帝永嘉元年春帝正月帝卽位改元永嘉立
皇氏爲皇太后梁氏爲皇后南陽王模誅司馬顥隰
羨爲司徒王衍爲司空無傳詔除三族刑二月東萊王
彌賊起三月將軍周馥討陳敏平之庚午立豫章王

詮爲皇太子劉淵陷并州五月汲桑陷鄴城殺新蔡
王騰洛陽地陷有二鷲出秋七月琅邪王睿鎮建鄴
冬十一月戊申朔日有食之十二月汲桑賊平越矯
詔囚清河王覃殺之

傳曰懷帝諱熾字豐度武帝第二十五子也惠帝

崩帝以太弟入踐祚於光熙元年十二月卽位明

年改元永嘉始書卽位謹始也

元經取元年正月
書卽位皆端本正

始之

王氏懷帝母也諱媛姬早卒追尊爲皇太后

梁氏本王妃也至是立爲皇后正也南陽王模誅

顓者何曰顓自立逼惠帝遷長安將謀篡奪擅廢
太子覃與成都王穎相表裏及爲東軍所敗走南
山復守長安南陽王模遣其將梁臣車上扼殺之

書曰誅正其罪也削王書姓絕其親也除三族刑
古之道也唐虞典刑罰不及嗣末世慘酷遂有夷
族之說今除此刑雖衰世未能治平亦帝者之心

書爲復法可也

帝因諸葛攻周穆下此詔

東萊人王彌者魏玄

菟太守頥之孫也因劉伯猥賊起于青徐卒亂天
下書曰賊起言晉禍自此盛也陳敏廬江人自廣

陵度支破石冰有功爲廣陵相惠帝西遷敏據江

東及周馥討之會稽郡悉平故曰平之太子詮新

都王暹之子單之弟也初襲封豫章王至是立爲

皇嗣正也

詮後奔苟晞
沒于石勒

劉淵入并州劉琨獨貶晉

陽諸郡皆陷於淵書并州陷則諸郡可知汲桑者

馬牧帥也寇魏郡陷鄴城遂殺新蔡王騰騰者高

密王恭子也迎惠帝歸洛陽以功封新蔡汲桑賊

攻鄴騰不能守而輕騎出走爲賊所害罪不能守

也洛陽步廣地陷有二鷺出蒼者冲天白者不能

飛說者謂二鵝晉封爲二之象也蒼冲天應琅邪
王興晉也白者不能飛應西晉卒不振矣七月琅
邪王睿鎮建鄴特書于經明晉祚猶長也諸王出
鎮無足稱者多不書故也九月戊申荀晞破汲桑
至十二月并州人斬桑于樂陵書平者喜賊平也
東海王越將謀篡逆今年囚清河王覃於金墉城
明年害之不書王貶矯詔也

經永嘉二年春帝正月丙午朔日有食之

無傳

二月石

勒寇常山五月王彌犯洛陽司徒王衍禦之冬十月

劉淵僭號漢十一月尚書令高光薨

傳曰石勒上黨羯人也初居武鄉山草木有鐵騎象未安初并州刺史司馬騰虜群胡賣於冀州兩胡連一枷勒在其中與汲桑同起歸劉淵後亦僭號稱趙寇常山書始爲亂也王彌自寇來山入許昌開府庫取噐仗有衆數萬進逼洛陽京師大震城門晝閉詔司徒帥百官距守彌屯軍七里澗王師進擊大破之彌奔劉淵書曰禦之不能擒賊也劉淵字元海未興元年反於離石至是僭稱漢下

令曰昔我高祖神武應期文帝以文德升明武帝
拓土攘夷宣帝搜揚俊乂今天誘其衷悔禍皇漢
使司馬氏迭相殘滅孤爲群公所推紹脩祖業不
失舊物追尊劉禪爲孝懷皇帝書淵僭號載記僞

主淵爲首也

按惠帝永興元年劉淵起稱漢後九年石勒稱趙後十一年張重華稱涼

後一年冉閔稱魏後一年慕容雋稱燕後三十一年慕容垂稱後燕後二年慕容冲稱燕是歲乞伏國仁稱秦呂光稱涼後十二年慕容德稱南燕禿髮烏孤稱南涼後二年李元盛稱西涼後二年沮渠蒙遜又自稱涼後四年譙宋稱成都王後三年赫連勃勃稱大夏後二年馮跋稱比燕其戰國者一百三十六歲凡十六國而元海爲僭首

高光者孰謂魏太尉柔之子

惠帝西遷朝臣奔散惟光侍帝及帝還洛以光爲少傅轉尚書令以疾卒書官而薨嘉忠臣也

經永嘉三年春帝正月甲午彭城王釋薨三月戊申高密王略薨丁巳越入京師於帝側收中書令繆播害之四月丁卯太尉劉寔退老積弩將軍叛奔於劉淵七月戊辰當陽地裂三所九月南陽王模破芒蕩斗叟並平之

傳曰彭城王釋穆王權之孫也襲封彭城高密王略文獻王泰之子小心下士有父風愍懷初立選

子弟有名稱者爲賓友略侍太子左右累遷開府
襲封高密書薨禮也東海王越害繆播何也播字
宣則光祿悅之子初越遣播詣長安說河間王顥
令奉帝還洛顥將張方言於顥不可播復說顥斬
方以謝東諸侯及帝卽位以播爲中書令掌詔命
越惡播盡忠於國慮爲已患因入朝以兵執播於
帝側帝謂曰亂臣賊子無世無之不自我先不自
我後哀哉起執播手歔歔不能禁越害之朝野憤
惋皆曰善人國之紀也而越殺之其能終乎越不

書王貶專殺忠臣也

按本史越勅兵入宮於帝側收近臣繆播王延等十人並

害餘不書于經省文也

劉寔漢之裔也好學博通潔已無瑕

以世多進趨廉遜道缺乃著崇讓論以矯之其略

曰夫叙用之官得通章表者有讓賢推能乃通之

其不能有所讓絕之故人臣初除各思推賢能而

讓之矣凡讓之文付主者掌之三司有關則以三

司所讓最多者用之是三公共選一公爲詳焉四

征有關則以四征所讓最多者用之是一征闕而

四征豫讓之詳焉

按魏晉故事置征東征西征南征北征四將軍各一員分掌重

晉多以親
王居之

尚書闕以尚書所讓最多者與之以八
尚書共選一尚書固詳於主者選八尚書也郡守
闕則以郡守所讓最多者用之固詳於主者選百
郡守也故世爭則毀譽交錯優劣不分難得而讓
也世讓則賢智顯出能否之美歷歷相次不可得
而亂也如此愚智咸知進身求通非脩己則無由
焉愍懷立以寔爲師太安初寔遜位至懷帝卽位
復授以太尉寔自陳年老固辭帝不許左丞劉坦
上言曰古之哲王莫不師元臣崇養老禮七十致

仕所以優異舊德以勵廉高之風太尉寔體清素
之操執不渝之潔懸車告老二十餘年臣聞老者
不以筋力爲禮寔年九十命在旦暮而頻上露板
宜聽寔所守至是詔曰君年耆告老確然難違今
聽君以侯就第書曰退老尊之也王衍代寔爲太

尉不書非其繼也

王衍爲石勒所敗勸勒稱尊號
勒怒曰君名蓋四海身居三公

何得言不與世事耶破壞天下正是君爲使左右
扶出夜使人排墻真殺之傳言非其樂意以此耳

朱誕爲積弩將軍叛歸劉淵不貶去姓氏微也且
言晉臣之陷于淵者衆不可勝數也當陽地裂三

所各廣三丈長二百餘步本志謂地拆裂者臣下
分離不相從之象也言司馬越與荀晞交惡四方
離散之應也平陽人劉芒蕩自稱漢後誘羗戎僭
帝號於馬蘭山反胡五斗叟郝索等數千人爲亂
征西大將軍南陽王模遣將淳于定討破皆斬之
書曰並平之善並曰吉也

經永嘉四年春帝正月二月蜀文碩歸順三月周玘
討錢璿平之五月六州大蝗地震六月劉聰弒劉和
自立秋九月王如賊起冬十一月越帥師出許昌將

軍周馥迎帝都壽陽不克

傳曰文碩者蜀李雄之將也殺雄大將軍李國以巴西歸書曰歸順嘉之也五月幽并司冀秦雍大蝗食草木及牛馬死皆盡兖州地震本志謂石勒寇汲郡執太守胡寵南濟沔是其應也僞漢劉淵死其子和嗣位和多猜忌御下無恩其舅呼延攸說和殺其弟聰聰覺攻西明 斬和遂自立書弒者言和雖僞號亦諸劉之君也聰殺和而篡其位宜貶大惡王如者新豐人也遇亂流離至宛會詔

促還鄉乃結少年襲官軍破襄城於是南安龐寔

馮翊嚴嶷長安侯脫各帥羣盜應之凡數萬人結

石勒爲兄弟書賊起言互盜盛起不復制矣

按王如後

歸王敦爲敦所誅辛卯晝昏至庚子凡浹旬本志謂夜妖

也劉向云晝而暝陰爲陽也臣制君也班固曰夜

妖者風雲並起杳冥與常風同狀大戒若曰勿使

大夫世官專政而暝晦王室蓋東海王越以京師

饑羽檄徵天下兵莫有至者幸衆出許昌以行臺

自隨官府無復守衛荒饑日甚殿內死人交橫府

署並掘塹自守盜賊公行抱鼓之音不絕越以太尉王衍爲軍司越自領豫州牧書出者猶言出奔叛其君也故貶去族周穰字祖宣浚弟也理識清幹選舉精密累遷至鎮東將軍以東海王越不盡臣節每言及厲然又覩羣盜甚盛洛陽孤危乃建策迎天子遷都壽春上書曰不圖厄運遂至於此戎狄交侵畿內厄逼臣與祖納裴憲華譚孫惠等三十人伏思大計以殷王有屢遷之事周室有岐山之徙方今帝都罄乏不可久居觀今華夷東南

爲愈北阻塗山南抗靈嶽名川四帶有重險之固
楚人東遷遂宅壽春臣請選精卒三萬奉迎皇駕
令裴憲督豫州諸路荆楊江湘運米十五萬斛絹
十四萬疋以供大駕令王浚荀晞共平河朔臣戮
力以啓南路皇輿來巡司馬越大怒慮其圖已也

以兵攻馥馥憂疾而卒書曰不克惜其謀合事機

而爲越所沮其後晉果東遷焉

按本傳元帝後問華譚曰周祖宣何

至于反耶譚對曰馥見賊盜滋蔓王威不振故表
移都以紓國難若從馥謀西晉未亡也原情豈得

爲反帝

乃悟

經永嘉五年春帝正月密詔荀晞討越乙亥流人杜
弢盜據長沙庚午平原王幹薨二月汝南王祐奔建
鄴三月戊午越卒宗室三十六王沒于石勒流人汝
班及蹇撫賊起于零桂諸郡帝遷都倉垣不克夏六
月庚寅荀藩出奔轅轅丁酉劉曜王彌石勒入京師
帝蒙塵於南陽荀晞立豫章王瑞爲皇太子秋七月
浚假立太子置百官八月劉聰陷長安南陽王模薨
九月荀晞及豫章王沒于石勒十一月猗盧寇太原
傳曰帝密詔征東大將軍荀晞討東海王越先是

晞移檄諸征鎮曰天步艱險亂禍流離元海造逆
於汾陽世龍階亂於三魏晞以虛薄委以關東所
以藩固王室無俾城壞夫舟楫不固則齊桓責楚
襄王逼狄則晉文致討凡我同盟在此行矣及詔
討越上表曰越以宗臣寵樹姦黨擅爲詔令縱兵
寇掠臣祇奉前詔遣王模陳午等兵詣項龔行天
討書曰討越聲其罪也流人杜弢本蜀郡人避亂
南湘中賊衆推弢爲牧故書曰盜據長沙平原王
幹者宣帝之子也惠帝反正以幹爲太保當齊王

問之平幹懷百錢見問曰倫逆亂義舉是汝之功
今以百錢賀汝雖然大勢難居不可不慎及問誅
幹哭之慟曰宗室日衰此兒最可人復害之自今
殆矣東海王越往視幹幹閉門不通使人謝遣而
自於門隙窺之當時莫能測其意者年八十書薨
得禮也汝南王祐者亮之孫也祐立為威王遇中
原亂渡江依元帝書奔以明內難也越卒者何東
海王薨于項也曷謂薨于項而書卒曰罪盈而死
天下不與其為王也越初卒祕不發喪遺命襄陽

王範統其衆歸東海會石勒追及于甯平焚越尸
柩曰此人亂天下吾謂天下報之焚其骨以告天
地經書卒罪宜誅爾三十六王者何曰越旣死其
子毗自京邑同宗室子弟出奔遇石勒自武陵西
河而下皆被害餘王陷于勒書三十六王言宗室
盡沒矣沙班蹇撫二賊起湘州虜其刺史苟眺破
零桂東略武昌殺安城太守郭察邵陵太守鄭融
衡陽內史滕育書曰諸郡言賊勢大也苟晞表請
帝遷都倉垣帝將從之宮中及黃門戀貨財不欲

出至是饑甚人相食百官皆流亡十八九帝召近
臣將行無車輿步出西掖門至銅駝街爲盜所掠
不得進而還書曰不克計窮無爲矣荀藩者勗之
子也時爲司空聞劉曜等犯京邑藩先出奔轅轅
不書司空貶也身爲三公不能安帝室掃群盜而
先自亡去非社稷臣也帝蒙塵于平陽者何曰劉
聰僭據平陽及劉曜入京師帝聞華林園開欲幸
長安爲劉曜所追及百官士庶死者三萬餘人執
帝送歸平陽劉聰以帝爲會稽公古者天子蒙塵

于外國史哀之辭不忍書其囚執豫章王端者清

河王暹之子也兄詮爲皇太子以端封豫章會洛

陽陷沒端東奔荀晞立爲皇太子

按本史端立七月十日沒于勒

王浚者司空沈之子也領幽冀都督假立皇太子

其實爲妄將謀僭號故削去其姓貶僞假也

按本傳浚

爲石勒所執責之日不忠於晉積粟五十萬不賑百姓

南陽王模者高密王

泰之子也有聲稱於宗室進位太尉洛陽陷降於

劉粲爲聰所害書薨終之以王禮也荀晞及豫章

王沒于石勒者先是豫章王東奔荀晞承制錄尚

書事居蒙城勒執晞殺之及端亦遇害端與晞同書沒傷端爲晞所禍也猗盧者孰謂曰匈奴種也其先曰神元分國爲三部一曰昭帝神元統一部居上谷之比濡源二曰桓帝居代比參合陂三曰穆帝猗盧居定襄北盛樂城其後猗盧強盛總攝三部至是攻新興鴈門劉琨不能制自稱三部大人蓋後魏拓跋之先書寇太原言夷狄深入中國也

經永嘉六年春帝正月帝在平陽二月壬子日有蝕

之癸丑琅邪王睿檄四方討勒夏四月丙寅將軍山
簡卒秋七月木火金聚牛斗九月詔倚盧爲代公辛
巳雍州刺史賈疋敗劉粲長安人立秦王鄴爲皇太
子

傳曰帝在平陽王業已淪也然曆數猶存故元經
書年以求嘉書春以帝正月書劉聰僞邑爲平陽
存其主而抑僞號也

劉聰改元嘉平代
西晉楚號漢也

壬子日蝕

本志謂秦王鄴於長安代帝監撫宗廟而帝蒙塵
不能反正之象也琅邪王卽元帝也因洛之亂渡

建鄴荀藩等推王爲盟主乃移檄四方共討石勒不書姓以真主討僞亂必貶僞以成文也山簡者何曰吏部濤之子爲征南將軍鎮襄陽江漢歸附或宴會僚佐勸簡作樂簡曰社稷傾覆不能康正晉之罪人也何樂之有因流涕慷慨未幾卒書官而卒賢之也歲星熒惑太白聚于斗牛吳分野東晉中興之應也劉琨鎮并州時劉粲寇晉陽又太原太守高喬降於粲於是琨奔長山乞師於猗盧乃表猗盧爲代公賈疋者太尉詡之孫也累遷雍

州刺史率兵三萬復長安劉粲聞之使劉曜來戰
疋破之曜中流矢追至甘泉書官不書詔命言疋
勇略有復晉之志故特書以褒之秦王鄴者吳王
宴之子也秦獻王簡無後以鄴嗣封賈疋旣破粲
曜三輔小安廼與衛將軍劉芬京兆太守梁總共
奉爲皇太子書長安人不書官名者言民思晉主
關輔厭亂衆欲立皇太子以平寇亂猶春秋書衛
人立晉衆也

經永嘉七年春帝正月丁亥聰弒帝崩于平陽夏四

月皇太子卽位于長安愍帝建興元年丙午懷帝舉
哀壬申大赦改元建興五月壬辰詔琅邪王睿都督
陝東南陽王保都督陝西六月石勒陷山東九月荀
藩薨冬十月荆湖陶侃討賊杜弢己巳大雨雹十一
月流人楊武陷梁州十二月河東地震雨肉

傳曰劉聰大會使帝着青衣行酒侍中庾珉號哭
聰惡之乃弑帝書崩于平陽言非其所也春秋書
魯昭公薨于乾侯傳曰失其所也書聰弑帝者責
在後君必討弑君之賊也太子業卽位于長安不

係於建興元年而係於永嘉七年何也曰春秋八
公卽位於六公之傳遭喪繼位每年正月則改元
正位百官以序國史書卽位於策以表之也杜預
曰天子之喪制嗣子位定改元必須踰年此繼父
之業不忍變於中年若六月癸亥昭公之喪至自
乾侯戊辰定公卽位此則國史直書不須係改元
而後書卽位也漢魏而下則不然旣立年號又復
易之元經依晉史舊文實書月日而已故懷帝正
月崩于平陽四月愍帝改元繼位皆舊史之文是

以元經或因而錄之或改而筆之故曰筆則筆削則削古之道也五月壬辰詔曰陽九百六之厄雖盛世猶或違之况朕幼冲纘承洪緒昔周公分陝姬氏以隆平王東遷晉鄭是輔二公掃除鯨鯢奉迎梓宮克復中興琅邪王先爲鎮東大將軍乃進位左丞相都督陝東諸軍事南陽王保者南陽王模之子全有秦州之地隴右氏羗皆從焉乃進位左丞相都督陝西諸軍事各因其所鎮而任之順也六月石勒攻兗州害刺史田徽由是山東郡邑

皆陷於勒荀藩者司徒勗之子也遷至司空帝爲
太子時以藩世臣也令攝國政遇亂奔滎陽卒於
開封書薨不書官貶其生不貶其死也

生無功於君卽不書

官以貶也死得令終卽書以全之

陶侃爲荊州長史元帝見之大

悅遷武昌太守杜弢杜曾賊起攻侃於沔口侃急
走入船獲免不書敗嘉侃之節終能平賊不欲其
敗也故不書敗已巳大雨雹本志謂盛陽雨水而
陰氣脅之轉而爲雹劉向日陰脅陽董仲舒曰臣
脅君之應河東雨肉者肉妖也天下之亂河東妖

孽尤爲甚焉

經建興二年春帝正月己巳黑霧五日辛未日殞于地又三日相承自西而東三月石勒陷幽州殺王浚五月西平公張軌薨六月劉曜寇新豐將軍索綝破之秋七月劉曜逼京師將軍麴允破之

中郎將

劉寅克頓丘

傳曰黑霧着人衣如墨連夜凡五日而止本志謂時君昏耗之妖也曰隕者日不隕也有妖物象日之形墜于地爾三日相承者亦妖氣映日而人昧

之有三焉五年正月庚子三日並照虹蜺彌天皆此妖也天晴卽無之本志謂元帝渡江劉聰李雄各據曹劉舊疆三分之應也石勒陷幽州牧王浚大罵而死不書官貶其逆與賊同耳張軌者少以儒學顯名永寧中爲涼州刺史化行河右摯虞曰天下方亂有避難者惟梁土耳執司馬楊胤言曰東羌韓雅殺秦州刺史張輔明公仗鉞一方宜懲不恪春秋之義諸侯相滅桓公不能救則桓公耻之雅聞之降軌大發兵破王彌劉聰有功進位司

空封西平公遣使朝貢歲時不絕朝廷嘉之俄患
風遺令曰文武將佐當盡忠規務安百姓上思報
國下以寧家善相和遜以聽朝旨卒年六十謚曰
武公而薨褒忠勲也索綝者司空靖之子舉秀才
累遷至安西將軍懷帝蒙塵綝糾合義衆破賊黨
立秦王爲主劉曜及趙冉寇新豐綝擊破賊書之
告捷也七月曜再復逼京城麴允討破之允金城
人與游氏世爲豪族而州語曰麴與游牛羊不數
頭言多也累以戰功遷雍州刺史劉曜趙冉逼長

安允討之殺趙冉書告捷也劉寅克頓丘頓丘石
勒僞署大守邵攀所居也詔北中郎將劉寅往克
之斬邵攀書克得雋曰克杜預云不期而薄之取
勝故以克爲文

按春秋鄭伯克段于鄆左傳曰如
二君故曰克此則言九敵相等勝

之曰
克也

經建興三年春帝正月盜殺晉昌太守趙珮二月猗
盧爲代王四月將軍周訪討杜弢張彥六月發漢二
陵辛巳敕雍州修復陵廟秋七月劉聰寇上黨劉琨
救之王師敗績八月荊州刺史陶侃擊杜弢湘州平

冬十二月涼州張寔進玉璽

傳曰凡稱盜不名者微也趙珮爲晉昌太守遇亂爲群盜所殺書官憫王臣也春秋之義書盜殺鄭

公子發公孫輒傳云書盜非大夫士庶人微者莫

得獲其名耳

按春秋書盜或無名或時稱名者盜殺衛侯兄擊傳曰齊豹爲司寇作不

義經書爲盜今元經所書盜殺王臣因舊史成文亦言人微不獲其名

猗盧以求嘉

六年封代公至是益強盛中國失道莫能制四夷

之僭故曰猗盧爲代王

爲者言自爲也

以明西晉莫能制

其僭也周訪者孰謂曰潯陽人也與陶侃結爲友

元帝以訪累有戰功遷振武將軍詔征杜弢弢作
桔槔打官船艦訪以長岐槍拒之賊將張彥陷豫
章訪擊之臨陣斬彥書官以旌功也六月發霸陵
杜陵及薄太后陵面如生得金玉不可勝計是時
朝廷草創救收其餘以實內府不書盜殺者何譏
世衰無法又收古陵餘物言非盜獨然由國自收
之矣劉聰寇上黨先是劉琨下有徐潤者琨愛之
護軍令狐盛諫琨令去徐潤潤反譖盛於琨琨殺
之盛子泥奔於劉聰聰以泥爲鄉導攻上黨又襲

晉陽劉琨救之爲聰所敗識琨之過也

春秋之法有譏有貶

有按劉琨力與夷狄爭戰雖小過不能掩大節故譏之而已

陶侃受元帝節度

以周訪趙誘爲前鋒討杜弼破之書湘州平告功

於元帝也曷謂告功於元帝曰自建興初琅邪王

南渡浙江湘東晉節制而中原否矣舊史以元

帝未紹位故策書赴告且繫之於西晉耳

按元帝未嘉初

始都建鄴江東歸心及愍帝卽位進丞相都督中外諸軍事乃分定江東斬叛者孫弼於宣城又分遺諸將平杜弼於湘州周訪趙誘告功實系東晉

張寔者西平公軌之子

也王璽者寔繼襲梁州有軍士得王璽其文曰皇

帝璽羣僚稱慶寔曰孤常恨袁本初得王璽諸君

何復難耶送于京書進者嘉其不虧臣節也

按寔聞長

安隔大哭臨三日遣將東赴國難及寔帝崩寔年號猶稱建興此臣節不虧之效也

經建興四年春帝正月三月代王猗盧薨夏四月涼

州張安遜遣步騎赴京師五月雷照叛降李雄七月

劉曜攻北地王師不戰而潰八月劉曜逼京師十一

月辛丑帝蒙塵于平陽十二月己未劉琨出奔于段

匹磾

傳曰猗盧雖夷狄事晉封爵于代貢奉不絕生爲

王臣死以王禮故書薨張安遜者何曰張寔字安
遜也賊逼京師四方阻絕惟寔遣五將東赴國難
書字者嘉之也猶春秋書邾儀父傳稱者嘉之也
雷照者平夷太守也殺南廣守孟栢以二郡叛降
于蜀李雄不書太守者言非其守也王師不戰而
潰者劉曜攻比地麴允麴昌士卒未和故不戰而
師衆自散譏將主無法所以潰也八月曜逼長安
內外斷絕公卿守小城自固京兆弘農馮翊上洛
四郡之兵不敢進京師饑甚人相食死者太半帝

膳以麴爲粥而已十一月帝以羊車肉袒銜璧昇
櫬出降曜以帝爲懷安侯故書蒙塵于平陽不書
降諱也春秋爲內諱元經爲中國諱聖人之情一

也

按春秋以魯爲內以列國爲外魯有耻事則仲尼微辭以諱之其肯非諱魯公而已也痛周公

典禮在魯君臣不能乘而行故善則書之惡則諱之語云甚矣吾衰也不復夢見周公此其志也元經以中國爲內以四夷爲外晉之喪也羣胡亂華臣主屈辱仲淹蓋傷之不忍書其降曜亦春秋之諱也

十二月劉琨爲石勒所敗乃奔段匹磾者何匹

磾東郡鮮卑也懷帝朝以爲右賢王助國征討假
節大將軍劉聰逼洛陽琨與匹磾結盟共討石勒

勒攻樂平太守韓據棄城走琨不能救乃奔幽州
依匹磾從飛狐道入匹磾見之甚相重書曰出奔

者言內地皆夷狄所有矣

按劉琨奔匹磾自此
河東皆陷于石勒矣

經建興五年春帝正月帝在平陽宋哲奔江南二月
太守李距破賊劉暢三月琅邪王稱晉王改元建武
七月大旱胡蝗冬十一月丙子日有蝕之十二月戊
戌聰弒帝崩于平陽劉聰死

傳曰帝在平陽猶居外也宋哲爲鎮東將軍當長
安之陷也哲與焦嵩竺恢赴國難事不濟南奔元

帝書曰奔江南棄中原也琅邪王自永嘉之亂出

鎮建鄴至是因宋哲奔江南宣愍帝詔曰朕今幽

塞窮城誠恐一旦崩潰卿詣丞相使攝萬機王素

服舉哀乃依魏晉故事稱晉王改元武元按永嘉元

平以後中國士族文物大半奔江南史筆南朝追書耳今元經但以建興五年盡十二月以全西晉

之終焉其實三月以後卽建武之史也七月大旱曷謂胡蝗曰冀青

雍四州皆蝗是時石勒亦浸奪民嫁時人語謂之

胡蝗丙子日蝕劉聰弒逆之兆也十二日聰大會

使帝行酒洗爵晉臣在坐者無不失聲泣麴允大

哭乃自殺辛賓抱帝號慟皆爲聰所害書聰弑帝
去其姓貶僭逆也于平陽言頓失所當以天子之
禮終焉則聰死何以不去姓所以示貶也及卒則
書姓名以彰其罪也聰弑二君賊害忠臣不可勝
紀君子旣貶其生又貶其死以疾惡之甚乎僞主
變卒

書于經者
特暴其罪

元經薛氏傳卷第二終

元經薛氏傳卷第三

隋 龍門王通經

唐 河東薛收傳

宋 阮逸註

明 新安程榮校

經東晉元帝太興元年帝正月帝卽位三月立皇太

子無傳卽明帝也夏四月戊寅禁招魂葬五月王敦段匹磾

殺劉琨六月帝親雩戊戌立皇子晞爲武陵王初置

諫鼓謗木七月戊申詔州牧舉善察惡十一月新野

王弼薨庚申詔公卿上封事新作聽訟觀已卯琅邪
王渙薨復立皇癸巳詔旌吳賢

傳曰元帝諱睿字景文宣帝曾孫琅邪恭王覲三
子幼有令聞不顯灼然之迹蕩陰之敗也帝懼禍
將出奔而月明無由去有頃雲霧晦暝因潛得去
成都王穎先令諸關無出貴人帝至河陽爲津吏
所止從者宋典鞭帝馬曰官禁貴人汝亦被拘耶
吏聽過至洛陽迎太妃歸琅邪永嘉初用王導計
求鎮建鄴西都不守帝於三月卽帝位經書正月

卽帝位者西祚已盡東晉首新故必於大興元年

正月卽位春秋所謂正始也且明中興始焉招魂

葬非古也禮漢魏之術皆妄也葬之爲言藏也仁人

於其親掩藏歸宀不豐不儉必約於禮焉延陵季

子曰魂無不之此言葬形非葬魂矣禁之禮也劉

琨旣奔歸段匹磾弟未波納石勒厚賂潛欲段匹

磾以琨爲內應事覺爲匹磾所囚王敦密勸匹磾

害琨縊殺之書曰王敦段匹磾殺劉琨言二兇同

惡殺賢人也帝親雩旱也春秋凡啟蟄而郊龍見

而雩始殺而嘗閉蠶而蒸褻五年秋大雩二十八

年八月大雩皆傳云旱也今帝親雩善得禮也西按

晉四主凡五十二年大旱多矣未嘗親雩以祈農事今元帝中興能修雩祀誠得禮矣雖非龍見於

時無皇子晞第四子封武陵王正也事迹在武帝初

置諫鼓謗木者書賢君能復古道有意于治矣詔

州牧舉善察惡戊申詔云州牧刺史相檢察不得

阿私長吏有志在奉公而不見進用者當受閹塞

之責此明東晉之治先乎旌別矣新野王弼者汝

南王之子書薨得禮也十一月詔曰災異屢興咎

徵仍見壬子乙卯雷震暴雨天災譴戒彰朕不德
公卿各上封事具陳得失朕將親覽焉聽訟觀者
外朝別館也帝始精國政慮民訟壅隔特作此觀

古之道也

堯開衢室聽於
民其是之謂乎

琅邪王渙帝子也既踐

祚以子哀奉琅邪恭王祀哀早世更以皇子渙爲
琅邪王王薨復立皇子昱爲琅邪王經言琅邪中
興之國祀不可絕故書曰復立昱重繼也癸巳詔
曰漢高經大梁矣無忌之賢齊師入魯修柳下惠
之墓其有高德名賢或未旌錄者具條列以聞書

元帝得古義也舜紹堯興滅國繼絕世舉逸民天下歸心焉周武克商封比干之墓式商容之間斯皆聖王初興必賴賢獻共格于治元帝渡江首下此詔宜也

經太興二年春帝正月迎梓宮于平陽不克二月徐龕討平賊周撫夏四月陳川以浚儀叛徐龕以太山叛陳安以秦州叛五月將軍祖逖討石勒戰于浚儀甲子 史周訪討平賊杜曾七月太常賀循卒冬十月十一月石勒僭號趙南陽王保稱晉王於祁山

傳曰愍懷二帝皆播遷于平陽崩于劉聰皆不書
葬言不得其禮終也至是正月丁卯崇陽陵毀五
月癸丑又大陽陵毀帝素服哭三日乃遣將軍梁
堪修復山陵迎梓柩於平陽書曰不克存孝思也

按存陽崇晉文帝陵也大陽陵惠帝陵也二陵在
西都爲劉曜所發掘書曰毀言陵自毀不忍書發
也

賊周撫者

一名周堅

爲彭城內史

殺沛國內史

至是太

山太守徐龕討平之斬撫傳首京師書告功也

以

建鄴爲京師

四月陳川徐龕陳安三者同書叛言中原

未能平也平北將軍祖逖與石季龍戰于浚儀王

師敗績書皆陣曰戰不書敗者嘉祖逖之忠有志
爲晉平中原君子不欲其敗也故諱其敗績甲子
安南將軍周訪討杜曾之賊戰于武當斬之書功
也賀循者其先慶氏避漢官諱改賀氏始爲琅邪
王司馬爲參佐隨帝南渡加開府儀同三司旣卒
旌中興之臣也石勒據襄國劉曜遣使持節署勒
進爵趙王封二郡如曹公輔漢故事書僭號者連
劉曜皆貶之也

案石勒載記張賓等上疏請卽皇帝位合二十四郡爲趙國內復冀

州之境南至孟津西達龍門東至河北至大單于以撫百蠻勒刃許之

南陽王保者

南陽王

子也愍帝初立以保爲右丞相至是

自稱晉王

秦州之地涼州張寔立之也

按卒史保

傳曰保

降劉曜而死秦

州刺史陳安迎

保喪

天子禮葬於上

邽亦謚曰元帝

經太興三年帝正月二月

季龍寇厭次刺史邵

績戰沒三月慕容廆來獻玉璽夏四月枉矢流于翼

軫五月太子詮遇害于平

徐龕率衆來降六月

盜殺涼州張寔弟茂立將軍祖逖破石勒軍

八月辛酉遷神主于太廟將軍周訪卒皇太子釋奠

于太學九月徐龕復叛于趙

傳曰邵續者執謂曰散騎乘之子也王浚假

樂陵太守屯厭次石勒既破王浚獲續子又遣

人續續泣曰我出身爲國豈得顧子爲叛臣遂與

段匹磾共攻勒多勝捷帝以續爲冀州刺史爲石

季龍所襲被執續呼其兄子竺曰吾志在雪國難

以報所受不幸至此汝輩自勉奉匹磾爲主勿有

二心季龍送續于勒勒讓之曰夷狄不足爲君耶

何無上之甚也續對曰晉末饑亂奔控無所故囚

保合鄉宗庶全老幼言歸于晉仍荷寵授期盡忠

節實無二心恐不容于明朝矣昔周文王生于東夷大禹生于西羌帝王之興當何常耶囚去真卽僞不得早扣天門者大王負囚囚不負大王也勒曰忠於其君者吾所求也竟遇害書官以歿嘉其忠也燕慕容廆時平州刺史崔毖陰結高麗及宇文段國伐廆欲分燕地廆與戰入宇文之營獲皇帝王璽王紐遣長史裴嶷送于建鄴書來獻嘉廆不忘晉舊也枉矢者何流星類也本志謂凡星自上而降曰流自下而外曰飛大者奔虵行者姦事

也枉矢類流星而色蒼黑虵行望之如有毛目長

數尺主反萌亦爲以亂伐亂

按翼二十三星天之樂府又主夷狄軫四

星主冢宰輔臣又主車騎今在矢流於其間象羣胡亂中華又有南侵之慮

太子沒于

劉聰至是遇害帝三日哭之禮也徐龜先以太山叛于趙至是偕石勒率衆來降 官貶龜及復

雖降不爲可信失盜殺張寔者何曰京兆人劉引挾左道客居涼州燃燈懸鏡於山穴爲光受道者千餘人寔左右皆事引引鄉人關沙牙門 仰引謂曰天與我神璽當王涼州沙仰密與寔左 十

餘人謀殺寔奉引爲主寔潛知其謀乃收引先
之而沙等不之知以其夜害寔書曰盜微者無名
氏也寔子駿年幼故衆立其弟茂茂但受涼州牧
而以兄子駿爲西平公書茂繼立者賢之也

按茂太寧

三年卒臨終執駿手曰先人以孝友此稱世執忠
順今雖華夏大亂汝當謹守臣節上不負晉主下
保百姓吾氣絕之日白紵入棺祖逖字士雅世吏
無以朝服以彰吾志故書曰賢

二千石爲比州舊姓性然蕩不修儀檢元帝南渡
逖避亂淮泗帝用爲徐州刺史逖渡江中流擊楫
而誓曰祖逖不能清中原而復濟者有如大江屯

於淮陰鑄兵器而後進石勒遣將陶豹來戰逖使
韓潛追擊于汴水豹宵遁由是黃河以南盡爲晉
土不言破陶豹而書破勒軍大其功也遷神主于
太廟時初建宗廟舊儀多闕或以惠懷二帝應各
爲世則穎川世數過七宜在迭毀事下太常賀循
議曰商之盤庚不序陽甲漢之光武不繼成帝懷
帝上繼太祖不繼惠帝弟不繼兄惠帝尚在太廟而懷
帝復入數則盈八八世其名一也盈八之理由惠帝不出
非上祖宜遷也書遷神主言遷毀議定猶八室也

天子七廟古之道也其間有兄弟繼立則於義非二世按晉元帝太廟七世卽白豫章太守量量生穎川太守雋雋生京兆尹防防生宣帝懿懿生景帝師師傳文帝昭昭生武帝炎炎生忠帝哀生懷帝熾武帝孫鄴是爲愍凡九神主除景帝雖爲文帝兄弟義著祖宗百世不毀則是上自穎川次京兆及宣景文武惠懷愍凡八室神主昭穆始倫也訪者字士達家潯陽與

陶侃結友前後征討多戰功智勇過人與中興名將李矩郭默相結慨然有平河洛之志王敦雖懷逆謀然終訪之世不能爲非年六十一卒贈征西將軍書官而終貴之也太子釋奠之禮久廢江南文物始修於茲有以見人君先齒胄之禮由大學

而興乎徐龕復叛于石勒不書石勒而書趙者言
中原分裂猶敵國也故書國且言晉衰矣

經太興四年春帝正月二月徐龕來降鮮卑末波獻
信璽癸亥日閏三月置諸經博士夏四月段匹磾沒
于趙七月戴若思劉隗王導都督司空八月常山崩
九月將軍祖逖卒十二月慕容廆爲都督幽平諸軍
事

傳曰徐龕復來降其去也可貶其來也可恕故君
子亦書之以懷後至者也鮮卑末波者段匹磾從

弟也襲匹磾而附石勒及中興末波奉送皇帝信
璽于我鮮卑國也末波是其名也若春秋書長狄
僑如之類別無官族褒貶之例癸亥日闔者何曰
本志謂太興元年乙卯日夜出高三丈有赤青珥
四年二月癸亥日闔三月癸未日中有黑子皆帝
寵幸劉隗而擅威福王敦囚之舉兵犯京師禍及
忠賢之兆也置諸博士博士秦官也漢因之九經
皆有博士魏晉學校不絕元帝中興置周易儀禮
公羊三經博士書曰諸經皆當備置也

逸按本史
經任博士

者毛詩卽有文立周禮卽有陳郡春秋三傳有參
兆二禮有范隆尚書有董景道周易有續咸五經
音訓有徐邈此皆
晉儒之著聞者也

段匹磾者鮮卑人王浚表爲遼

西公後遷幽州刺史至是與石季龍戰敗被擒於

襄國嘗著朝服持晉節乃遇害書沒于趙趙晉敵

國也匹磾不書官貶也曷謂貶曰匹磾始與劉琨

結盟事晉琨窮來歸之而匹磾害琨故旋踵亦被

禍大計一虧小忠無益也

按劉琨傳王敦使匹磾殺琨又恐琨衆反已遂

矯詔收琨琨聞敦使至謂其子曰處仲有使來而不告我是殺我也因歎歎爲匹磾縊死戴若

思劉隗王導同書者何曰皆佐命功臣也若思屈

于王敦劉隗奔于石勒各不保其終王導者誅王敦有大勲於東晉然同書者舉其始所以待其終同其恩所以異其效爾若春秋書齊侯宋公鄭伯許男滑伯滕子同盟于幽但書其同盟無復以爵

先後爲義也

逸按戴劉王三賢並佐命者王敦傳云帝用劉隗戴若思外以討胡爲名

其實禦教是也

常山崩書異也若春秋書梁山崩柱云

繫其所災不繫其國梁山不書晉者名山不以封

也今經所書者記災異也

言山有朽壞而崩非災焉記異者蓋言一時之

異無繫災咎也

祖逖

字士稚范陽人

元帝中興逖有振復之志誓

以期清中原遷豫章刺史累破石勒進逃爲鎮西
將軍石勒不敢窺兵河南逃據武牢恐南無堅壁
乃率衆築壘未成而病俄而卒于雍丘年五十六
豫州士女若喪考妣書官以卒嘉其忠也慕容廆
爲都督幽平諸軍事初廆元康中居大棘城大棘城顯
頊之墟也爲鮮卑都督累有戰功至是受都督幽州軍
事平州牧書于經懷外夷也

經永昌元年帝正月改元王敦反三月帝大閱于郊
外夏四月王敦自爲丞相殺戴若思周顛五月周慮

反殺將軍甘卓六月旱秋七月太山陷于趙冬十一月太尉荀組薨閏月乙丑帝崩于內殿

傳曰王敦反者何司徒王導從父兄也潘滔嘗曰

處仲

敦字也

蜂目已露但豺聲未振爾若不噬人亦

爲人所噬東海王越以敦爲楊州刺史元帝興以敦爲帥時劉隗用事頗踈聞王氏帝惡敦而畏之遂引劉隗刁協爲心腹敦益不平至是舉兵內向以誅劉隗爲名帝下詔曰王敦憑恃寵靈敢肆狂逆方朕太甲欲見幽囚今親帥六軍以誅大逆有

殺敦者封五千戶侯三月帝大閱者帝親被甲徇
六師于郊外將伐王敦此先閱兵也春秋桓六年
八月壬申大閱傳云簡車馬也周禮大司馬之法
仲冬教大閱戒衆庶脩戰法菜所田之野陳車徒
斬牲以誓曰不用命者斬之鼓戒三闕車三發徒
三刺若大師則掌戒令及戰則巡陳視事而賞罰
之大師謂王親征伐也書曰帝大閱言得禮也王
敦自爲丞相非帝命也敦旣克石頭乃收周顛戴
若思曷謂與逆臣同貶曰顛與若思帝委重兵不

能善謀討賊而自取夷戮亦猶一賊耳故皆貶宜

矣

春秋書趙盾不能討賊也况周顛戴若思各領兵奉王命討敦而不克雖不書官亦可貶其無

功

甘卓字季思西晉之亂避難棄官東歸遇陳敏

後討陳敏有功累遷梁州刺史鎮襄陽王敦向闕

也卓露檄遠近陳敦肆逆率所統討之雖懷義正

而性不果毅軍次豬口累旬不前敦大懼遣使求

和謝卓曰君旋軍襄陽當更結好卓卽還軍會襄

陽太守周慮承敦意詐言湖中捕魚乃襲害卓書

曰周慮反者言慮受晉官陰附王敦殺害忠黨故

先書其反而後殺卓疾惡甚也卓書官貴之也七月石季龍攻太山執其守徐龕不書守守賤不足書焉惜太山琅邪之國陷于賊不復歸矣荀組者荀藩之弟也

字大章

惠帝西幸以組爲河南尹兄弟

貴盛懼不容于世雖居大官但諷議而已洛陽陷組藩皆出奔愍帝時組藩共保滎陽之開封元帝與組移檄勸進大興初逼於石勒乃渡江錄尚書事遷太尉書官以薨貴舊德也乙丑帝崩于內殿終以正也帝爲王敦所逼下凌上辱憂憤而殞故

葬速禮有闕如也

按本史云晉室紛亂皇輿播越天命未改人謀叶贊經路區區

僅全吳楚終以下凌上辱憂憤告謝蓋恭儉之德雖充而雄武之畧不足也

經明帝太寧元年春正月帝卽位癸未黃霧四塞蜀

李驥破譙登越雋漢嘉降于蜀二月葬元皇帝壬申

隕霜殺穀

無傳按春秋霜殺草猶書况麥北乎

三月饒安東麥安凌縣

災王敦求徵五月京師大水六月壬子立皇后庾氏

將軍陶侃平交州梁碩秋七月劉曜滅陳安八月石

季龍殺青州刺史曹嶷

傳曰明帝諱紹字道畿元皇帝長子也建興初立

爲皇太子永昌元年閏十一月庚寅卽皇帝位經

書太寧元年正月帝卽位者端其本始也

按穀梁春秋正

始所以端本也癸未黃霧本志曰是時王敦擅權謀逆之

兆也李驥者李特之弟也特子雄僭號以驥領兵

征涪執梓潼太守譙登又越雋漢嘉等郡皆下之

曰書降于蜀蜀王雄盛開拓漸廣也饒安諸縣災

春秋言內災繫宗廟社稷則書外災來告亦書之

元經天下之書也無分內外凡天火譴戒則書焉

饒安東光安陵災燒七千餘家死者萬五千人此

災尤大者也本志謂信道不篤或燿虛僞讒夫昌
邪勝正則火失其性雖興師不能救是謂火不炎
上蓋王敦威侮朝廷多行無禮極陰生陽之禍王
敦自爲丞相專朝政將謀篡位諷朝廷徵已帝不

得已以手詔之敦遂起兵下蕪湖窺釁而動也五

月大水春秋之例曰平原出水爲大水

案桓元年秋大水十

三年夏大水今夏大水亦傷禾嫁故元經因舊史書災異皇后庾氏者庾琛之

女也明帝卽位立爲皇后冊曰妃庾氏昔承明命

作嬪東宮履信思順以成肅雍之德正位閨房以

著協恭之美崇嫡明統載在典謨宜建長秋以奉宗廟使使持節兼太尉授皇后璽綬母儀天下潛暢后教其敬之哉經書正也

按琛贈驛騎大將軍儀同三司凡亮管詔

命官至中書令

交州賊梁碩者攻陷交州殺刺史王諒平

南將軍陶侃遣將高寶討碩斬之傳首京師告功也陳安者何曰初爲劉曜將也遣安擊張春滅之安於是叛曜至是曜討安于隴城殺之書曰劉曜滅陳安兩名猶春秋諸侯相滅非王命而滅之者皆爲不道也故兩書名俱貶也

按春秋小國相滅齊威公不能救則

威公耻之故狄滅邢滅衛而齊威以邢遷夷
儀遷衛楚丘所以興滅繼絕須伯者行之
且言

晉不王時無伯政使亂臣賊子互相屠滅有足傷

焉司馬九伐之法其最重者內外亂鳥獸行則滅之無是之罪明不可滅也劉曜滅陳安陳安殺

張春張春弑晉王此三者皆非法互相賊害元經傷之矣曹疑者建武初爲青

州刺史與并州劉琨幽州段匹磾冀州邵續兖州

邵續兖州劉演皆附元帝勸進爲晉藩屏至是趙

將石季龍攻陷青州疑遇害稱官見殺閔忠臣也

經太寧二年春帝正月帝臨朝懸而不樂石季龍寇

兖州三月劉曜寇魏興南陽夏五月王敦矯詔以含

應爲將軍七月壬申帝躬率六軍討王敦敦戰敗憤
卒丁酉帝還宮大赦賞功臣有差冬十月王道爲太
保西陽王羨爲太尉豫州祖約保壽陽十二月帝謁
建平陵

傳曰帝諒陰始臨朝行元會饗宴禮具宮懸不考
聲言天子喪制行告禮故懸而不樂權宜也趙將
石季龍攻我兗州刺史劉遐退保泗口三月劉曜
遣其將康平攻我魏興及南陽言二趙日侵晉也
敦矯詔以其子應爲武衛將軍兄含爲驃騎大將

軍自樹其族將謀篡也丁卯王道爲大都督溫嶠
爲中壘將軍卞敦守石頭城應詹爲護軍郗鑒行
衛將軍都督從駕庾亮領左衛卞壺行中軍將軍
王邃祖 劉遐蘇峻陶詹等環衛京師七月壬申
帝躬率六軍出次南皇堂至癸酉夜募 壯士卒
千人渡水掩 不備大破之斬敦前鋒何康於是
敦憤惋而卒乙 敦衆濟水至宣陽門劉遐蘇峻
自南塘橫擊大破之賊黨悉平丁酉帝還宮大赦
惟敦黨不原封王導 始興郡公溫嶠建寧縣公

卞壺建興縣公庾亮

縣公劉遐泉陵縣公蘇

峻郡陵縣公却鑿高平縣

應詹觀陽縣侯趙胤

湘南縣侯卞敦益陽縣侯其餘封爵各有差賞平
賊之功也王導西陽王羨書並命得賢輔也祖約
爲豫州刺史是時石勒將石生屯洛陽謀攻我豫
州約退保壽陽晉日削也十二月帝謁建平陵行
大祥之禮古者不封墓至漢而下帝王陵皆立廟
大祥謁廟以明孝思行之可也

經太寧三年春帝正月二月戊辰復三族刑三月壬

辰立皇子衍爲皇太子癸巳徵任旭虞喜爲博士

四月詔議政道論直言五月陶侃都督荆湘雍梁州
大旱自正月至于秋七月郟鑿都督青徐二州
詔興滅繼絕及五郊祀秋八月戊子帝崩于東堂九
月癸卯太后臨朝辛丑葬明帝于武平陵冬十月癸
巳朔日有蝕之

傳曰復三族刑惟不及婦人本志謂謀反大逆夷
其三族不在律令所以嚴惡類也又云女子有三
從之義無自專之道若父母有罪而刑已出之女

或夫黨坐誅又有隨姓之戮一人之身內外受刑
令女既嫁則爲異姓之妻如或產育則爲他族之
母嬰戮 非所以哀矜柔弱故三族刑因王敦

大惡之後行 以戒其惡也不及婦人矜無辜也

皇子衍長嫡也爲皇太子正也處士任旭字次龍

臨海人元

書召才出

事具隱
逸傳

虞

喜字仲寧

賀循爲司空先達貴顯每

詣喜自云不能測也

王導建學校下詔曰夫

興化致治莫尚乎崇道教

明退素也任旭虞喜

並潔靜其操歲寒不移研精典墳前雖不至今更

以博士徵之

事具儒林傳

四月詔曰大事初定其命維

新宜令太宰司徒以下詣都堂參議政道諸所因

革務盡事中又詔曰苟有一言亮正予違汝弼望

共勗之史言明帝聰明有機斷尤精物理雖享國

日淺而規模宏遠觀二詔可知矣陶侃都督荆襄

等四州本史謂明帝分上流之勢強本弱枝國之

善謀也郗鑒自明帝時假節鎮合肥帝仗鑒爲外

援旣平王敦又委鑒東北以禦趙寇也詔曰三恪

二王世代所重興滅繼絕政道所先又宗室哲王
有功勛於大晉佐命功臣開國昭王誓同山河苟
廢絕禋祀甚用傷懷主者詳議應立後者以聞又
詔曰郊祀天地帝王之重事中興以來惟南郊未
嘗北郊故四時五郊之祀都不復設載在祀典應
望秩者悉廢而未舉主者依舊詳處二詔皆古之
道也書于經足以爲萬世法矣八月壬午帝不豫
召太宰西陽王秉司徒王導將軍陸曄丹陽尹溫
嶠受遺詔輔太子丁亥詔曰昔周公匡輔成王霍

氏扶育漢昭義存前典功冠二代豈非忠臣之道乎敬聽顧命受任託付雖有內外其致一也不有行者誰扞牧圉譬若唇齒表裏相資百辟卿士其總已以聽冢宰保幼冲人戊子帝崩于東堂正其

終九月太后庾氏臨朝稱制帝幼故也

按明穆傳曰羣臣奏

天子冲幼宜依漢和熹皇后故事辭讓四乃臨朝后兄亮詔命公卿奏事稱皇太后陛下

辛丑葬明帝于武平陵禮也十一月日蝕本志謂

癸巳朔日蝕在卯至斗斗吳分也蘇峻作亂之兆

也

按蘇峻平王敦有大功及受顧命峻不預以此怨望而庾亮倚后威欲害峻於是謀逆故日蝕

者后不
明也

元經薛氏傳卷第三 終

元經薛氏傳卷第四

隋 龍門王通經

唐 河東薛收傳

宋 阮逸註

明 新安程榮校

經晉成帝咸和元年春帝正月帝卽位二月丁亥赦
改元夏四月汝南人執內史祖濟叛甲子僕射攸卒
六月徐州刺史劉遐卒秋七月江州刺史應詹薨九
月蜀人寇涪陵冬十月汝南王祐薨封魏後勵南頓

馬氏伏誅十一月壬子大閱于南郊趙將聰寇壽陽
不克十二月劉闡叛于趙梁王翹薨

傳曰成帝諱衍字世根明帝長子也去年閏八月

卽皇帝位今年正月始書卽位者春秋所謂正始

也大赦改元咸和循常制也按元帝卽位大赦改元建武自此以至明

帝卽位大赦改元末爲典制矣四月汝南人執內史祖濟小之也

言且與衆同叛爾按春秋僖五年晉人執虞公書晉人執虞公罪虞且言易也十

九年人執鄒子用之杜預云允諸侯稱人以執者如民爲辭也經書晉侯執曹伯者不及其民也

則是汝南人執祖濟叛于趙者人衆叛也鄧攸字伯道襄陽人永嘉時

爲河東太守陷于石勒逃歸元帝時爲吳郡太守
入拜侍中久之遷尚書右僕射卒書官嘉良吏也

按鄧攸事具良吏傳十二人

劉遐字正長廣平易陽人冀方比

之張飛關羽間道歸元帝授以節度討周撫有功
徙臨懷太守王敦之亂遐自彭城赴京師平王含

封泉陵公遷徐州刺史至日卒誌功臣也應詹字

思遠南頓人也魏侍中璩之孫也以學藝文章稱

王澄爲荊州詹督南平天門武陵三郡事聞洛

陽傾覆詹攘袂流涕勸澄赴援乃爲檄詞義壯烈

見者慷慨澄不能從 上元帝假節以詹爲建武
將軍上疏陳便宜曰先王設官使君有常尊臣有
定 下至亡秦罷侯置守綱紀廢弛 興 雜建
侯守后參古跡 大荒之後朝廷改創宜固 先
舉元功以爲封首又曰元康以來賤經尚遁以玄
虛爲夷達以儒術爲鄙俗永嘉之弊未必不由此
也今雖有儒官教養未備宜修辟雍崇明教義先
令國子授訓然後皇儲親臨釋奠如此則普天尚
德率土知方矣平王敦詹爲前鋒以功封觀陽縣

侯都督江州上疏曰夫欲用天下之智力者莫若使天下信之也昔冀缺有功胥臣蒙先茅之賞子

玉軍敗子文受賈之責漢宣帝時二千石有居

職修明者入爲公卿其不稱職免官還爲平人懲勸必行歷世長久中遷不足勸免不足懼以此

責成未見其可王敦新人情未安詹撫而懷之

莫不歡心疾篤與陶侃書曰神州未夷四方多難足下宜務建洪範雖休勿休書薨者詹贈儀同二司且褒名臣也九月蜀李雄張冠涪陵執太守

謝俊書蜀者賊衆也汝南王祐文成王亮之子祐
字永猷元帝渡江襲封汝南王謚曰威書薨得其
終也曹勵者魏武帝之孫也去年詔三恪二王應
立其後者以聞至是封勵陳留王以繼魏後書得

禮也

按晉武受魏禪與封陳留王故今曹勵襲與之舊封

南頓王宗有罪宗

西陽王羨之弟也與兄羨俱過江明帝踐祚宗與
虞胤皆爲帝所親昵委以禁旅連結輕俠恃宗盛
至是怨望形於辭色御史中丞鍾推劾宗謀反庾
亮使收宗宗以兵距戰爲亮兵所殺詔貶爲馬氏

書曰南頓不稱王貶也稱伏誅國討之文也壬子
大閱王導策不廢武備也春秋桓六年秋八月壬
午大閱簡車馬皆於農隙講事不軌不物則爲亂
政故有國家者不可廢閱禮也

謂明年蘇峻反賴
王導有武備張本

石勒使其將石聰攻壽陽不克言祖約保壽陽足

以拒聰也

前年石生屯洛陽祖約爲有備也
故豫州刺史退保壽陽言趙不克劉閻

爲濟嶧太守殺內史夏侯嘉叛歸石勒不書殺內

史以叛罪大也

叛逆罪大
不書殺也

梁王彤無子以武陵王

澹子禧爲嗣是爲懷王沒于石勒懷王子翹自石

氏歸國得立是爲聲王經書薨貴宗室也

經咸和二年春帝正月秀才龐貴起義兵攻李雄三月益州地震五月甲申朔日有蝕之秋七月冬十月劉曜掠河南地十一月祖約蘇峻反司馬流帥師與峻戰死之廣陵郗鑒帥師赴京師

傳曰寧州秀才龐貴起義兵攻雄將任回不克不

稱將書秀才嘉之也益州地震本志謂蘇峻作亂

之兆

按咸和二年二月江陵地震三月益州地震四月豫州地震江陵卽應峻之亂益州卽應

蜀主李雄廢太子立弟班召亂之萌也

甲申日蝕本志日在井井主

酒食中饋女主之象明年皇太后憂崩之應也劉
胤者何曜之子也初曜伐涼州張茂稱藩于曜爲
石勒所敗茂復攻曜掠春州使抱罕護軍辛晏等
與曜子胤相持七十餘日胤濟師逼抱罕 敗之
遂畧河南地言劉石相攻將亡之漸也按劉曜既
克張茂後
議廢長子熙而立少子胤胤泣曰慈父之於子也
當有鳴鳩之仁何可替熙而立臣臣請死 以明
赤心乃止後與石勒
戰敗被擒國乃滅矣十一月豫州刺史祖約歷陽

太守

西平將軍不預明

帝顧命遂懷然望蘇

永嘉之亂百姓

流忘推峻爲安集將軍

封邵陵公自

有銳卒萬人潛有異志

徵峻爲大司

農峻疑亮害已乃潛結祖約以討亮爲名書反以

祖約爲首貶世卿也

祖約以邀功受
不同而

與蘇峻
爲亂實首惡故

先書而
貶之

十二月峻兵入姑熟詔左將軍司馬流戰

賊于慈湖流敗死之罪在庾亮也

庾亮
用

遣
戰是

亮失
策也郤鑿鎮廣陵聞蘇峻反鑿司馬劉

人宿衛京都又設壇刑白馬大誓曰賊臣祖約

不恭天命不畏王誅制脅幽王拔木塞源率

兆庶泣血咸 奉辭伐罪以除元惡昔戎

桓糾明董卓凌漢群后致討義存君親古

今

我同盟戮力一心以救社稷書廣陵重

其外

鑒本傳曰明帝初卽位王敦專制內外危鑒爲外援由是拜安

西將軍都督

揚州諸軍

經咸和三年春帝正月將軍溫嶠帥師救京

潯陽二月庚戌六軍與峻戰于西陵王師敗績

庾亮出奔潯陽丁巳峻嶠詔以祖約爲中書令

皇太后庾氏憂崩夏四月趙人攻宛王國叛

壬申葬明穆皇后五月乙未帝遷石頭太守虞潭
庾冰王舒起義兵于三吳丙午將軍陶侃溫嶠

魏該率舟師于蔡州六月賊攻宣城殺內史桓彝

壬辰廬江太守毛寶攻賊合肥援之八月劉曜石季
龍戰于高堰九月司徒王導奔白石

白

月蜀將張龍寇

石

之

傳曰

過信爲次此周之

速

速師老費財兵未有

次所以

次潯陽者王愆期陶侃

合勢討峻

溫嶠遣王愆期鄧嶽紀穆三帥爲前鋒

鍾雅趙胤三帥次之丁未峻自橫江

濟

壺督六軍與峻戰于西陵王師敗

績峻攻

師又敗于壺羊曼周道導陶瞻皆

死之壺不

其死也

按于壺字望之濟陰人有名譽司

晉元帝召爲從事累遷尚書令峻反將軍與峻戰敗發背瘡未合力疾而戰遂

軍

子胗肝見父沒相隨赴賊同時見害妻裴氏尸哭曰父爲忠臣子爲孝子夫何恨乎數將惟

臺爲著

庾亮爲蘇峻敗

門外亮走乘小船西

奔携三弟懌脩翼投江

與共推陶侃爲盟

主侃充相稱勸不書官貶

貶曰亮以舅氏

專朝政作遺詔褒大臣而陶侃不在其列是以蘇

峻與約舉兵誅亮失於先見

按亮本傳云南頓王

宗謀廢亮執政殺宗又廢兼盛使元者又先帝保傳天下以亮剪削宗室者宗之黨也與宗俱誅咸和間亡奔蘇峻峻道微舉朝皆謂不可亮不聽宜峻與祖約反稱亮故經貶之以戒專政失業也

祖約自平王敦以進鎮西將

陽爲北境藩扞

蘇峻舉兵遂推約爲太尉

亮峻敗約奔

石勒

按祖約本傳云奔石勒勒人約之禍反大飲醉逆殺百餘皆滅盡

書矯詔爲

中書令譏亮召亂也皇太后

陽門兵敗賊揮戈

接於帝坐突入侍人皆見掠奪庾氏以此憂辱而

終書曰憂崩言不得令終也南陽太守五國叛降

石勒言趙強也葬明穆皇后卽庾氏書葬得禮也

帝遷于石頭爲蘇峻所逼也帝哀泣升車宮中慟

哭

石頭城在建鄴西北江灣之內

虞潭者翻之孫也討張昌平陳

敏皆有功累遷至吳興太守庾冰者亮之弟也時

爲吳國內史王舒者導從弟也時爲會稽內史以

三吳之兵拒峻將管韓商晃等書起義嘉之也

按

譚貌和柔而內堅明有

決

數統軍旅鮮有傾

敗官至侍郎年七十九使水稱素風爲世所重攻

賊于石頭水勳爲多後入爲中書監衆所歸咸稱

賢相王舒潛心學植爲吳中都督陶侃百京師上

舒監浙江東

陶侃初不預明帝顧命深以爲恨温

五郡軍事

嶠推侃爲盟主

侃子爲峻所殺
喪至侃不臨

乃會平北將軍魏

該以師四萬次于蔡州攻石頭書次者過信宿也

三日已上必告必告其次謹師律有漸也桓彝字

茂倫漢桓榮之九世孫也補宣城内史聞蘇峻作

逆彝慷慨流涕屯涇陽是時州郡多遣使降峻咸

勸彘僞與通和彘曰吾受國厚恩義當致死安能

與逆醜通問峻遣將韓晃攻彘固守經年勢孤力

屈城陷爲所害故書賊攻宣城殺內史猶齊豹書

盜謂逆黨不須名也

春秋同二十年盜殺衛侯之兄傳曰齊豹作不義其書爲

盜今韓晃不名而書賊同也

毛寶者孰謂曰温嶠參軍也蘇峻

之亂嶠以寶爲前鋒時峻以萬斛饋祖約也寶設

策力戰奪其米約用大乏嶠嘉之上爲廬江太守

攻祖約東關破合肥書拔之旌功且徃逆黨也

傳云

賊遣韓晃攻寶南城寶登射殺數十人晃問曰君是毛廬江耶寶曰是晃曰君名勇何不出關寶曰

君健將何不入關而退又討郭默及劉曜及石季

龍戰于高壩季龍敗績曜遂

於洛陽

謂石勒擒劉曜張本

司徒王導

白石初導侍帝峻

加害峻逼帝幸

石頭道爭之不得峻日肆醜言道

路未及二子

奔于白石白石卽温嶠庾亮屯所也庚午陶侃使

督護楊謙攻峻于石頭陣于白石峻輕

出戰墜

馬遂斬之書賊衆大潰言餘黨不能復聚矣十月

蜀李雄遣將張龍寇涪陵太守趙弼沒于賊經書

蜀不稱李雄言蜀久與晉相抗猶敵國焉曷謂稱

寇曰僭亂抗正侵我不已故書寇以貶其大過也

按雄載記云雄特第三子也

卽位南攻漢中克

涪陵遠人繼至下寬大之令降附者皆假復除益

州遂

定十二月石勒自率衆向洛劉曜常乘赤馬無

故跼頓乘小馬出復飲酒斗餘至西陽門搗陣勒

兵乘之大潰曜昏醉奔退墜於渠爲石堪所執送

于勒書獲之執之也春秋之例凡諸侯身犯不義

而惡不及民則不稱人以執若晉侯執曹伯是也

僖二十八年春三月丙午晉侯執曹伯又成十三

年二月執曹伯歸于京師傳曰晉侯執曹伯不及

其民也傳例云凡君不道於民而

諸侯討執之則曰某人執某侯

今勒與曜皆僭

敵國而經兩名之無曲直之辭也稱獲之因舊史

文耳

按曜在位十年而敗自元海起懷帝永嘉四年僭號至曜五世九二十七年而滅

經咸和四年春帝正月帝在石頭二月建威長史滕含奉乘輿還宮弋陽王羨薨夏四月乙未始安公溫嶠薨秋七月有星孛于西北九月石勒盡滅劉氏冬十月廬山崩十二月太尉陶侃討賊郭默

傳曰帝三年五月爲蘇峻遷于石頭是時雖峻已誅峻弟逸猶強盛故猶在石頭未反正也二月丙戌諸軍攻石頭建威長史滕含以銳卒擊蘇逸大

敗之含奉帝幸温嶠舟中書乘輿還宮正也

按温嶠傳

云滕舍抱天子棄入嶠舟中群臣頓首

弋陽王羨者汝南王亮之第

三子也

亮宣帝第四子母伏太后

元帝渡江累遷至太保明帝

寢疾羨與王道同受顧命依安平獻王孚故事設

床帳於殿上咸和初坐第南頓王宗免官降爲弋

陽王至是蘇峻作亂羨述其勲峻旣平賜死不書

伏誅諱也曷諱爾曰羨僞辭卑遜苟免一時之禍

其實非附峻也若王莽之世楊

其

情固焉伏誅國除刑太過矣君子哀之故舊書曰

死猶言自死不稱誅不與其誅也溫嶠字太真博學能屬文初爲劉琨參軍元帝立嶠累遷至太子庶子明帝朝拜侍中參綜機密轉中書令王敦入輔嶠知敦不軌謬爲設敬總其府事干說密謀以附其欲補丹陽尹敦構逆嶠請爲備及平敦有功代應詹爲江州刺史鎮武昌聞蘇峻有變嶠屯潯陽率舟師赴難推陶侃同盟戎卒六萬旌旗百里直至石頭嶠創建行廟設壇塲書天地祖宗親讀祝文聲氣激揚流涕被面三軍莫能仰視賊平封

始安郡公還武昌未旬日以齒疾中風而卒年四

十二書薨貴之也

帝母書追贈侍中謚曰忠武初
葬豫章朝廷追其勲德作大墓

於元明二
陵之比

有星孛于西北本志謂犯斗二十三日

占曰有兵亂九月石勒盡滅劉氏石勒與劉曜之
子胤戰執其僞太子熙及胤等三千餘人皆殺之

族九千餘人來襄國劉氏自永嘉

四年僭立至曜三世凡二十七年而滅春秋勝國

通以滅爲文若楚 夔晉師秋齊師滅萊之類是

稱名者卽衛侯燬滅邢是也經書石勒名之劉曜

氏之何也 貶勒以強滅人之國不以義也古之
滅國猶存其嗣以嗣其先周滅紂封微子於宋是
也今勒殺劉熙胤及王公三千餘人故書曰盡滅
劉氏貶其酷甚也廬山崩本志云柴桑西地崖崩
九江刺史災也陶侃討郭默默爲右將軍殺江州
刺史劉胤不書官貶賊也

經咸和五年春帝正月詔除諸將任子夏五月太尉
陶侃擒郭默斬之六月初稅田畝三升秋八月石勒
僭皇帝位九月造新宮繕苑城

傳曰自蘇峻反後諸將多以子爲質謂之保任至是王導慮郭默之不可制乃詔除任子之法郭默河內懷人也永嘉之亂默率衆自爲塢主累遷至潁川太守誅蘇峻遷爲右將軍被徵過潯陽潯陽劉胤饋默酒二噐肫一頭默投之水中矯詔襲胤

殺之太尉陶侃聞之曰此必詐也圍之數重斬之

傳首京師

按郭默傳陶侃惜默驍勇欲活得之而默將宋侯等恐爲侃見殺故不時出降

而縛默求功卽斬于軍門

死者四十人焉初稅田畝三升亦什一也

案本志云成帝始度百姓田取十分之一而畝稅

米三升焉

按元帝詔千石長史人多少爲殿最非宿衛皆赴農使軍各自佃作卽以

稟至成帝時將軍應璩上表曰古人言飢寒

至

堯不能使野無寇盜也貧富兼并雖臯陶不

能使

也宜簡流人興復農官依魏故事

年二

公東濟倉君使可計矣

石勒之僭久矣至是季龍

賓等一百二十九

人上疏略曰物望去劉氏

明公者十九焉

請以劉備在蜀魏王在鄴故事以大單于鎮撫百

蠻勒乃卽皇帝位九月造新宮自蘇峻後始復官

室也繕治苑城增固舊制春秋凡興造有書不時

國有非常則不然安王室設國備雖不時亦無譏

爾

按春秋書新作延廡新作廟門皆書不時例曰敬塞從時云耳元經則不然以安帝室廣城固

制也

經咸和六年春帝正月趙將劉徵復寇婁縣司空郗鑒都督吳國二月詔段遼爲驃騎將軍五月壬戌朔日有蝕之詔舉賢良直言之士夏四月旱秋七月蜀將李壽復侵陰平

傳曰去年趙石勒遣劉徵來寇南沙進入海虞至

是劉徵又寇婁縣故書復寇言勒恃強不已也郗

鑒先出爲會稽內史至是加都督浙東五郡軍事

備賊劉徵也段遼者何單于匹殫之後陸眷之孫也自晉衰數據遼西之地其地西盡幽州東界遼水遙命爲驃騎通我好也三月壬戌日有蝕之本志謂帝年已長每幸司徒第見王導夫人如子弟之禮以人君而敬人臣之妻有虧君德之象也李壽蜀主之族子也僞漢王梁州刺史征伐屢勝開地千里侵我陰平 强也

經咸和七年春帝正月夏四月石勒將郭

秋七月太尉陶侃收復襄陽冬十

新宮

傳曰先是西中郎將趙弘及司徒中郎匡術

勒之馬頭塢勒將韓雍寇我南沙及海虞至是

郭 陷襄陽侃遣其子斌及南中郎將桓宣攻敬

破之 樊城竟陵太守李陽拔新野襄陽經獨書

侃勤王之師爲治 帝居新宮詣行在所

經咸和八年春帝正月詔舉力士

能舉一千五百斤

丙寅蜀

將李壽陷寧州癸酉張公庭爲鎮西大將軍丙子詔

焚石勒之賂夏四月以東帛徵處士五月乙未遼東

公卒六月將軍王舒卒秋七月趙石勒死子弘嗣其

將石聰來降冬十月石季龍滅石明石生無傳十二月

將郭權來降無傳石生

傳曰詔舉力士不忘武備古之道也季壽攻我寧

州圍之百餘日遂陷凡師被圍無救曰陷且言蜀

寇強也張公庭者何涼州張軌之子駿也建興中

敦煌計吏耿訪到長安遇賊因渡江太興二年至

建業上書以州未知中興遣使願爲鄉導屬連有

國難未果至是以訪爲治書御史拜駿鎮西大將

軍駿受上稱臣而不奉正朔猶稱建興二十九年

書字不名

之也石勒遣使致賂詔焚之責

其與我抗禮也程

字道深潯陽人廉潔不屑世

事庾亮薦之徵爲博士不起虞喜字仲寧會稽餘

姚人太寧中與臨海

俱徵不就至是年太常

華恒舉喜爲賢良下

喜並守道清

正不管世務雖徵命而

難染而搜引

之禮簡乎政道須賢宜納諸廊

以散騎常侍

徵之不起書曰處士以道自處也慕容廆鮮卑大

單于咸和五年加虜侍中開府儀同三司虜與陶
侃箋曰舊都不守奄爲虜庭深惟文武之士過荷
朝榮不能滅中原之寇刷天下之耻君侯植根江
陽發曜荆甸仗葉公之權有包胥之忠而白公伍
負殆得極其暴竊爲丘明恥之今吳士英賢比肩
而不輔翼聖王討逆暴之羯檄命舊都之士招懷
存本之人豈不若因風振槁頗坂走圓哉楚漢輕
重惟在君侯若悉五州之衆據兗豫之都則羯寇
必滅虜在一方無由自發故遠陳賤言不宣侃等

議請封廙爲燕王朝議未定而廙卒其第三子皝
嗣位爲平州刺史督攝部內書遼東公卒嘉其欲
附也王舒孰謂曰導從弟也隨元帝渡江累遷至
撫軍討蘇峻逆黨韓晃有功封彭澤侯謚曰穆經
書官褒功也石勒自太興二年僞稱趙王至咸和
五年僭號趙帝至是卒書曰死者不與其君崩也
爲臣薨也書死以其國位不正之稱乎石聰者勒
之族子與石季龍有隙遂來奔其實奔而書降何
也曰晉中國趙非列國之敵也故書來降

經咸和九年春帝正月隕石于梁州二三月會稽地
震夏四月石季龍攻郭權陷之六月蜀李雄死姪班
嗣乙卯太尉陶侃薨江陵公陸曄卒蜀李期弑其主
班十二月石虎弑其主弘趙人朱縱來降

傳曰隕石隕星也春秋僖公十六年書隕石于宋
五今涼州張駿分野仲尼筆法誌其災異以應人
君奉天戒修新政也不爲涼州言吉凶也左氏所
謂陰陽之事非吉凶所主是也地震會稽者災異
及於大臣乎是時陶侃薨之應也趙生鎮關中起

兵討石季龍爲季龍所敗而生

將郭

權以上邽來降

詔以權爲秦州刺史上邽豪族害權降季龍攻權於郿陷之書陷者言中國之地陷于賊故也蜀李雄字仲雋特之子也立兄蕩之子班爲太子其相李驥王達皆諫曰吳王舍其子而立其弟所以有專諸之禍宋宣不立與夷而立穆公卒有宋督之變雄不聽竟立班焉雄生瘍於頭而卒書曰死者國位不正非可言崩也陶侃字士衡鄱陽人舉孝廉至洛陽遷至江夏太守討張昌陳敏有功中興

歸元帝元帝加侃奮威將軍又擊杜弢破之爲荊
州刺史又討杜曾平之轉廣州刺史及王敦反詔
侃領江州敦平遷都督荆雍益梁州諸軍事入討
蘇峻之亂有功拜大將軍上表遜 曰臣欲爲陛
下西平李雄北吞石季龍良圖未遂於此長乖以
後事付右司馬王愆期輿車就船明日薨於樊谿
年七十六謚曰桓書太尉薨正也陸曄字士光吳
郡人元帝以侍中皆北士宜兼用南人乃以曄清
正爲侍中成帝踐祚拜開府儀同三司平蘇峻封

江 年七十四卒謚曰穆書公貴之也蜀

李期雄 雄旣不立已子乃立兄子班於

是李越 因雄死奔喪與期密啗之因班夜哭

而越殺班於殯宮遂立期爲主經書期弑其主班

而不書越罪何也昔趙盾弑其君貶其不討賊今

期及越共謀殺班期實首故書期弑其主貶其骨

肉相殘自期始也石虎字季龍勸養子也勸旣立

其子弘而季龍不平乃廢弘群臣勸季龍卽位書

曰石虎弑其君弘兩名之皆僭僞也然國位不正

亦人主耳故書弑貶賊子也朱縱者何石季龍徐州從事也殺刺史郭祥來降季龍擊奔淮南書曰趙人微也日來降抑僞以尊

經咸康元年春帝正月

帝始元服乃改元

二月帝親釋奠夏

四月趙虎寇歷陽命大司馬王導禦之秋八月長沙武陵大水冬十月乙未朔日有蝕之

傳曰帝親釋奠書始也始元服乃親行禮重祀典

也

逸按帝講詩釋奠于太學本志祀孔子顏回配

石季龍自率衆南伐至

歷陽臨江而旋又遣石遇圍襄陽我師屯章山救

襄陽大司馬王導總其事分遣劉峻救歷陽趙胤
屯慈湖路永成牛渚王允之屯蕪湖郗鑒使陳光
衛京師王國保襄陽經書王導禦之包諸將以略
其文也

春秋元經有詳略無褒貶也

長沙武陵大水二郡連災

沴也乙未日蝕是歲大旱米斛錢五百書災異甚
也

公羊記異以異災也元經不然異同書之

經咸康二年春帝正月辛巳彗星見于奎下 立皇
后杜氏庚申高麗來貢夏四月皇后見大廟
揚州會稽大饑冬十月廣州鄧岳擊夜郎新

與古並克之

與口汾
湯之地

是月詔封周漢後

猶周封
二王後

也十一月將軍司馬勲爲蜀李壽所敗

傳曰彗掃星也史臣按彗體無光傳日爲光故夕

見者則東指朝見者則西指在日南北者則隨日

光而指光芒所及則爲災今彗見于奎十六星天

之武庫也是時石虎兵強江東武備不能振之象

也皇后杜氏預之曾孫也父又奕世名德故立爲

皇后正也

按本傳云后長猶無齒有求婚者以此
中止及帝納而齒盡生有此異相

高麗入方物東夷航海而至也是時慕容廆稱單

于於遼東與東夷校尉崔恁有隙恁與高麗伐虜
爲虜恁奔高麗來貢者懼慕容而欲以附中國也
皇后見于太廟案嘉禮皆告于廟一曰納采二曰
問名三曰納吉四曰納徵五曰請期六曰親迎皆
有祝文今皇后見于廟所以明奉祭祀之本也楊
州會稽二郡大饑詔開倉賑給禮也夜郎興古不
奉貢旣克之言歸順也詔封周漢之後其詔曰歷
觀前代賓禮三恪故杞宋光于周典宋姬垂于漢
策周漢之後絕而莫繼其詳求衛公山陽公近屬

有履行修明可以繼承其祀者依舊典施行十一月遣建威將軍勲安集漢中爲壽所敗案春秋敗或曰某師爲某師所敗其敗績一也但文有異

爾

公羊傳分爲二義非也

經咸康三年春帝正月辛卯立太學夏六月旱

慕容皝立爲燕王

傳曰禮始立學必釋奠于先聖先師及行事必用幣立學斯禮無聞魏正始二年使太常釋奠祠孔

雍元帝

與皇子講論

于太

學今書立太學者以明 但祠孔子于中 至

是始別立太學也夏六月旱傷稼則書不書大雩

譏廢禮也慕容皝者廐第三子也盡遼左之地擊

段遼破石虎乃遣使劉祥獻捷于我自稱燕王從

其好也且言皝才兼文武不貶其爲假王也

逸按載記

皝雄毅多權畧通經學知天文凡行兵陣無不勝捷號自立爲燕王乃上表于成帝曰歷觀前代昏明之主若親黨后族必有傾渦周之申伯號稱賢勇以身藩于外不握朝權降及秦昭委信二舅幾至亂國漢武重田蚡蚡死後切齒追恨成帝暗弱外資王舅令王莽坐取帝位設賢若穰侯殿王不聞有二主若其不才則竇憲梁冀成敗然矣陛下舅護亮執政輕侮邊將故蘇峻祖約不勝其憤臣

與亮冰名位殊班出處懸邈臣獨抗言者爲陛下
爲求計也昔徐福陳霍氏之戚宣帝不從致令忠
臣更爲逆族昔王章劉向上章未嘗不斥王氏谷
永張禹依違不對取譏後世臣被法殊俗位爲上
將臣若不言誰當言者又與庾冰書曰若功就事
舉必享申伯之名如或不立將有梁竇之逆方今
四海有懸倒之急

薄早蒙元帝列將之授

夏有僭逆之寇吾雖寡
務農三時用武况乃

王者之威豈同年而語哉冰見書甚懼遂與何充
等奏說稱燕王因其封祿諫辭乃下令曰百姓

無田者與苑圃耕之貧無資者賜牛一頭依魏晉
舊法中州未平官不可減待克平凶魏徐更議之

封生深得蹇蹇王臣之體賜錢三萬立東岸於舊
官行鄉射之禮說自造大章以代就章著典

誠十篇伐高麗扶餘
皆克之其文武才如此

經咸康四年春帝正月二月石虎敗段遼夏四月蜀

李壽弑其主期篡其位石虎爲慕容皝所敗六月王道爲丞相秋七月冬十月

傳曰石季龍因慕容皝稱藩請討段遼數爲邊患季龍至遼敗未季龍怒皝不會軍乃伐皝皝擊敗之降段遼以歸先書石虎敗段遼後書虎爲皝所敗者

石虎成文也春秋列國相伐據所赴告而書之內相伐無所譏貶李壽者驤之子也矯

詔廢李期爲公期縊死壽卽篡位改元稱漢興元

年經書弑不縊貶壽篡逆也六月

按李雄之子皆爲壽所殺

改司徒之官爲丞相以太傅王導爲之

按本志丞相秦官自

趙王倫以後非人臣之稱職太宰太傅太保周三公各官各屢易非正名也

經咸康五年春帝正月三月廣州刺史鄧嶽伐蜀執
霍彪夏五月征西庾亮擊巴郡獲李閔黃植秋七月
丞相文獻公王導薨辛酉何充錄尚書事八月復丞
相爲司徒辛酉太尉郗鑒薨九月石虎寇沔南邾城
江夏圍石城略漢東民 幽冀冬十二月瑯琊王
岳爲司徒

傳曰鄧嶽字伯山王導命爲從事討蘇峻及郭默

皆有功遷交廣二州刺史 都督寧州建寧人孟

彥者執李壽將霍彪以降歸鄧嶽故書伐蜀大中

國也

按本志分益州
置寧州統八縣

巴郡爲石虎李壽交侵爲患

數矣亮代陶侃都督江荆豫益雍涼六州於是遣
趙松擊巴陵江陽獲石虎將李閔黃植春秋之法

得君曰滅得臣曰獲僖元年十月壬午公子友率

師敗苻師于鄴獲苻挈傳云嘉其獲也今書亮獲

虎將亦嘉之義也王導字茂弘覽之孫也元帝爲

瑯琊王導奉帝渡江謂從兄敦曰宜有以康濟者

吳人紀瞻顧榮乃相率拜於道左導乃進計以結人心躬造賀循顧榮賓禮之及洛京傾覆導收賢人君子荆楊晏安朝野傾心矣歷事三朝累遷至太傅薨年六十四舉哀

依漢博陸侯故

事葬之謚曰文獻薨而書謚

元老中興大

功非群臣所比故書謚異常典也何充字次道王導庾亮言於帝曰何充器局方槩有萬夫之望由是拜命爲副時望故書復丞相爲司徒

導薨

故復舊郟鑿字道微高平人躬耕隴畝以著

名與千餘家避難于嶧山元帝假鑿龍驤將軍

帝立王敦專政仗鑿爲外援及平蘇峻詔進爲司空至太尉上疏遜位舉蔡謨薨年七十一喪事如温嶠故事書薨禮也石虎遣其將夔安寇沔南張貉寇邾城皆陷之又寇江夏義 我太守毛寶樊

俊鄭進爲王師諱也且傷寶俊進以志死也遷民入幽冀譏時主不能主也春秋之義有諱有譏有歸於懲惡勸善元經亦然耳瑯琊王嶽卽康帝之母弟也爲司徒言歷試也瑯琊元帝始興之國故

先經始事文見此焉

謂建元元年康帝爲嗣張本

經咸康六年春正月庚子庾亮薨二月庚辰有星孛于太微夏四月秋七月聽政于東堂

傳曰庾亮字元規明穆皇后之兄也風格峻整明帝卽位以亮爲中書監成帝立進中書令太后臨朝政事一決於亮先朝遺詔不及陶侃祖約以此失人心及平蘇峻王敦皆有功遷司空薨年五十二謚曰文康書薨禮也

經不書謚

星孛太微本志甘氏

云孛彗所當之國受其殃春秋有星孛于東方木

言宿者不加宿也今加於太微者天子之庭五帝之座也 日 微爲衡衡主平言天庭理法平

也有妖孛于太微天庭各各應之故明年杜皇后崩次年帝崩之兆聽政東堂依中興故事也元帝

朔望坐東堂

經咸康七年春帝正月甲午朔日有蝕之

無傳三月

成杜皇后崩夏四月葬恭皇后秋八月東海王冲薨冬十二月司空陸玩薨

傳曰杜后諱陵陽崩年二十一無子謚曰恭書葬

禮全于終也東海王冲字道讓元帝之子也帝以東海王越無子乃以冲嗣薨年三十一陸玩字士瑤吳人也初王敦逼以軍期温嶠上表申理之得不坐累遷至尚書令司空玩既拜命有人詣之索盃酒馮梁柱間祝曰當今乏材以爾爲柱石莫傾人梁棟耶玩笑曰感卿良箴既而謂賓佐曰我爲三公是天下無人談者以謂知言玩誘納後進謙若布衣縉紳莫不蔭其德宇薨年六十四謚曰康經咸康八年春帝正月己未日有蝕之夏六月癸巳

帝崩于西堂年二十二葬興平陵

傳曰正月日蝕六月帝崩之應也帝少爲庶民舅族所制及長頗留心萬幾雖無雄武之度而有恭險之德